

საქართველო

ეროვნული თავისუფლების ბრძოლა — პიროვნული თავისუფლებისათვის
პიროვნული თავისუფლების ბრძოლა — ეროვნული თავისუფლებისათვის

საქართველოს გაერთიანებული რესპუბლიკური პარტია
ქოველკვირული საზოგადოებრივ-პოლიტიკური გაზეთი
გამოდიოდა 1903-1905, 1915-1921 წ.წ. აღდგენილია 1989 წელს.

№ 15 (1389)

13 ივლისი, 1994 წ.

პარლამენტური მეთოდებით — პარლამენტარიზმის წინააღმდეგ (პარლამენტი დაუმსახურებელ არდადეგაზე მიდის) ნოდარ ნათაქაძე

უკრაინის პარლამენტმა უკვე 380 კანონი მიიღო, ჩვენმა კი რამდენი, მკითხველმა თვითონ დათვალოს. მიზეზი? უშუალო მიზეზია სპიკერატის უუნარობა, რომელმაც არ შეაძლებინა უმარტივესი საორგანიზაციო და ანალიტიკური მუშაობის ჩატარება კანონპროექტის შექმნისათვის, ურთიერთშეჭერებისათვის და განხილული სახით გამოტანისათვის სესიაზე. თქმული არ ეხება ვიცე-სპიკერს ქალბატონ რუსუდან ბერიძეს, რომელიც ნიჭიერი მათემატიკოსია და თავის უნარიანობას სესიების წაყვანისასაც ამჟღავნებს, ეხება მხოლოდ სპიკერს ვ.გოგუაძეს და მის მოადგილეს ვ.ჩუქულიძეს, რომელთაგან ერთი უნივერსიტეტის პრორექტორი იყო აღმზრდელი და არა მხოლოდ, მეორე კი „მშვიდობის კომიტეტის“ მოადგილე (ვისი ნომინალურად იყო ეს თანამდებობები კომუნისტების

დროს, ცნობილია), ვინაიდან სახელმწიფოს მეთაურის გუნდში მხოლოდ ეს უკანასკნელი შედიან. ამ პირთა მოხვედრა პარლამენტის ხელმძღვანელ თანამდებობებზე, ცხადია, პარლამენტის თავმჯდომარის ნების გარეშე არ მომხდარა. ამგვარად, უშუალო მიზეზი უკან სხვა, უფრო ღრმა მიზეზი დგას: პარლამენტის პარალიზაციის და ნულთან რაც შეიძლება ახლოს მიყვანის სურვილი. ამ არჩევანში — ძალიან ფრთხილად რომ ვთქვათ — პარლამენტის დასუსტების ეს განზრახვა გამოსჭვავის.

30 ივნისს პარლამენტმა „არდადეგები“ დაიწყო. დაიწყო მას მერე, რაც თვეების მანძილზე ტარდებოდა იმ არც თუ სასახლოდ დაკომპლექტებული ორგანოს გეგმაზომიერი დისკრედიტაციის პოლიტიკა სახელმწიფოს მეთაურის ტელევიზიის, „მოქალაქეთა კავშირად“ წოდებული მასის ფართოდ გა-

რეკლამებული შეკრებების მიერ. პარლამენტმა გადაწყვეტილება კი არ მიიღო — არდადეგები დაიწყო, არამედ, უბრალოდ, გაიპარა — უმრავლესობის წარმომადგენელთა თამაშობით პარლამენტარები ადგნენ და თავისუფლებას მიაშურეს, ხოლო ფუჭი მრავალსიტყვაობით გართულმა ვიცე-სპიკერმა მარტივად შეაჯამა, ჩვენი სესია დამთავრებულია. პარლამენტმა, ამ სიტყვის სრული აზრით, ქვეყანა განსაცდელში მიატოვა.

ეს განსაცდელი თითქმის უსაზღვროა. მოვიყვანოთ მხოლოდ ორი მაგალითი. ეკონომიკა განიანგებულა სამი მიზეზით: ჯერ ერთი, ბანკიდან განიანგებულა ასტრონომიული მასშტაბის „კრედიტები“, რომლებიც ეკონომიკას კი არ მოხმარდა, არამედ მხოლოდ სავალუტო

გაგრძელება მე-4 გვ.

გაერთიანებული რესპუბლიკური პარტიის პოლიტიკური საბჭოს განცხადება

ვიპლინარა წლის 9 ივლისს სამართალდამცავი ორგანოების მიერ ფიზიკური ძალისა და ხელკეტების გამოყენებით აღკვეთილ იქნა კინოს სახლის წინ დაგეგმილი მიტინგი.

როგორც ოფიციალური წყაროებიდან გახდა ცნობილი, მიტინგი აღკვეთილ იქნა თბილისის მერიის 1992 წლის დადგენილების საფუძველზე.

გაერთიანებული რესპუბლიკური პარტიის პოლიტიკური საბჭო აცხადებს, რომ ზემოაღნიშნული დადგენილება ძირფესვიანად ეწინააღმდეგება სახელმწიფო საბჭოს მიერ მიღებულ დეკრეტს „მიტინგებისა და მანიფესტაციების მოწყობისა და ჩატარების შესახებ“.

ხელისუფლებას ადრეც დაურღვევია სხენებული დეკრეტის მოთხოვნები, რაც არაერთხელ აღნიშნულა პარლამენტის სხდომებზე. ბოლოს, მერიის დადგენილების უკანონობაზე მიტინგის დარბევის წინა დღეს, სამართალდამცავი ორგანოების მუშაკთა რესპუბლიკურ თათბირზე ისაუბრა და ისინი გააფრთხილა ჩვენმა წარმომადგენელმა.

ყოველივე ამის მიუხედავად, მიტინგი დაარბიეს.

განსაკუთრებულ აღშფოთებას იწვევს მასობრივი ინფორმაციის საშუალებათა წარმომადგენლების მიმართ ხელისუფლების მიერ გამოვლენილი უაპელაციო და უხეში დამოკიდებულება, რაც ყოველად დაუმეგობრია, განურჩევლად იმისა, კანონიერია მიტინგი თუ არა. იძულებულნი ვართ კიდევ ერთხელ მივუთითოთ ხელისუფლებას „თავისუფალი პრესის ქარტიის“ პირველი დებულება: „...უკუგდებულ უნდა იქნას იმგვარი კანონები და ქმედებები, რომლებიც ზღუდავენ საინფორმაციო საშუალებების უფლებას, თავისუფლად შეაგროვონ და გაავრცელონ ინფორმაცია...“

გაერთიანებული რესპუბლიკური პარტიის პოლიტიკური საბჭო გამოთქვამს პროტესტს მომხდარი ინციდენტის გამო.

თბილისი,
1994 წლის 11 ივლისი

სხვა გაზეთებიდან

აფორიაქებული დრო

ვალერი ალექსანდრეს ძე სიმონოვი — ახლობელ წარსულში საპაერო თავდაცვის მე-19 ცალკეული არმიის დაზვერვის უფროსი. 1988 წ. სტატიისათვის „К должности... черного хода“ (Красная звезда 1988-8 марта) სამხედრო პროკურატურის მიერ მის მიმართ 3-ჯერ იქნა აღძრული სისხლის სამართლის საქმე, 1989 წ. სტატიისათვის „Дачники“ გარიცხულ იქნა კომუნისტური პარტიის რიგებიდან და დაქვეითებულ იქნა თანამდებობიდან, რისთვისაც გადააგზავნეს ამიერკავკასიაში სამსახურებრივი მოვალეობის შესასრულებლად. აქ იგი 2-ჯერ აირჩიეს არმიის შტაბის ოფიცერთა კრების თავმჯდომარედ; დანიშნული იყო არმიის დაზვერვის უფროსად. თავისიანები და სხვები 3-ჯერ ემუქრებოდნენ მოკვლით. 1993 წ. ნოემბერში დემობილიზებული იქნა სამხედრო სამსახურიდან ქართველ ბოევიკებთან შეტაკებისას ტრავმის მიღების გამო.

ვინ ხართ თქვენ, ბენერალო ბეპაეპო?

ვალერი სიმონოვი

1992-1993 წწ. რაც უფრო ცუდად ვითარდებოდა სიტუაცია რუსეთის ჯარის გარშემო ამიერკავკასიაში, მით უფრო ხშირად ჩნდებოდა აღმაფრთოვანებული პუბლიცისტები გენერალ ბეპაეპე, ყოფილი ამიერკავკასიის ჯარების სარდლის მოადგილე. გაზეთმა „Красная звезда“-მ გამოიყვანა იგი ლეგენდარულ გმირად. რა ეპითეტები არ მიაკუთვნეს მას: გენერალი ცხელი წერტილიდან, ბრძენი სუფიანე და ა.შ. მხოლოდ გაზეთმა „მოსკოვსკიე ნოვოსტი“

გაგრძელება მე-2 გვ.

ინფორმაცია

7-9 ივლისს ბაქოში იმყოფებოდნენ საქართველოს პარლამენტის წევრები, გაერთიანებული რესპუბლიკური პარტიის პოლიტიკური საბჭოს წევრები ბ-ნები ირაკლი მელაშვილი და გურამ ბერიშვილი.

ისინი შეხვდნენ აზერბაიჯანის უზენაესი საბჭოს თავმჯდომარის მოადგილეს ბ-ნ ჯალილოვს.

საუბარი შეეხო რეგიონულ პრობლემებს. ორივე მხარემ გამოთქვა სურვილი უფრო ინტენსიური ურთიერთობისა საქართველოს პარლამენტსა და აზერბაიჯანის უზენაეს საბჭოს შორის.

გაიმართა შეხვედრები, აგრეთვე, ეროვნული დამოუკიდებლობის პარტიის თავმჯდომარე ბ-ნ ეტიბარ მამედოვსა და პარტია „მუსავატის“ თავმჯდომარე ბ-ნ ისა გამბაროვთან.

მიღწეულია შეთანხმება საქართველოს გაერთიანებულ რესპუბლიკურ პარტიასა და აზერბაიჯანის ზემოაღნიშნულ პარტიებს შორის თანამშრომლობის თაობაზე.

გაერთიანებული რესპუბლიკური პარტიის
პრესსამსახური
1994 წლის 9 ივლისი

პირველი გვერდიდან

რონოვ“ დააყენეს ექვსი ქვეშევრდის მონაწილეობა რუსეთის საკუთრივად. 1993 წ. 27 იანვარს პრესკონფერენციაზე თბილისში ბეჰავეი განაცხადა, რომ ის შეიტანდა საჩივარს სასამართლოში ზემოთ აღნიშნული სტატიის ავტორის აკაკი მიქაძის წინააღმდეგ სიცრუისა და ცილისწამებისათვის.

რა როლს თამაშობდა გენერალი ბეჰავეი ამიერკავკასიაში როცა იქ ილუპებოდნენ რუსი ჯარისკაცები? რომ არ შეეცდეთ ამ აღმნიშნულ და ვიყოთ ობიექტურნი, მოვიყვანო ფაქტებს და კონკრეტული ხალხის მტკიცებებს უკომენტაროდ.

დავიწყოთ „საქმე 34-ე საპაერო არმიის საწყობების დატაცებით“. მოკლედ, 1992 წ. 1 ნოემბერს 34-ე საპაერო არმიის საწყობები, რომლებიც მდებარეობდა თბილისში; განიცდიდნენ თავდასხმებსა და დატაცებებს: იქ ინახებოდა 62 ძრავა (17 გამანადგურებლისა და 45 შევრულმფრენის) სპეცავტოტექნიკის 60 კომპლექტი, საფრენი ტექნიკური აღჭურვილობა. (თბილი შალის თეთრეული, კომბინიზონები, ბეწვის ქურქები და ა.შ.) დატაცებული საქონლის ზარალმა 1992 წ. კურსით 1 მილიარდ მანეთს გადააჭარბა.

სანამ თავდასხმა დაიწყებოდა, ამიერკავკასიის ოლქის სარდლობიდან, ვიღაც მაღალჩინოსანი ცდილობდა საწყობებიდან მოეხსნა დაცვა. აი, რა გვითხრა 34-ე არმიის საავიაციო ტექნიკური სამსახურის უფროსმა მიხეილ ომელჩუკმა: „28.10.92 წ დაცვა (ორი ჯავშანტრანსპორტიორი და სპეც-დანიშნულების რაზმი) გატრიალდა და დატოვა საწყობები. ჩემი მიმართვა რაზმის უფროსზე არ მოქმედებდა. მან თქვა, რომ ჰქონდა ბრძანება ბატალიონის უფროსისა და უმაღლესი სარდლობისაგან. ამის შემდეგ ჯავშანტრანსპორტიორებმა პირადი შემადგენლობით დაიწყეს მოძრაობა. მე დავდექი მთავარ გასასვლელ ჭიშკართან. პირველი ჯავშანტრანსპორტიორი ისე ახლოს მოვიდა ჩემთან, რომ შემებო კიდეც. დაცვა ადგილზე დარჩა. 31.10.92 წელს მოვიდა ავტომობილი ურალი, რის შემდეგაც დაცვა მოიხსნა და ამავე მანქანით სადღაც გაემგზავრა. მეორე დღეს მოხდა ამ საწყობებზე თავდასხმა და დაყარალება. 1.11.92 წ. 18 სთ-ის შემდეგ საწყობებში შემოვარდა შეიარაღებული ბანდიტური დაჯგუფება 150 კაცის შემადგენლობით“.

აი, რას ამტკიცებს 34-ე საპაერო არმიის უფროსის მოადგილე გენერალ-მაიორი ანატოლი ბონდარენკო: „მე და ჩემმა უფროსმა დავიარეთ საწყობებში. საკონტროლო შემამოწმებელ პუნქტში იყო 100-120 კაცი, იქვე იყო უამრავი საავტომობილო ტექნიკა, რისი მეშვეობითაც გაჰქონდათ მატერიალური ფასეულობანი. ჩემი მცდელობა, შემეჩერებინა მატერიალური ფასეულობის გატანა, დამთავრდა კრაზით. საპასუხოდ მე და ჩემმა უფროსმა მივიღეთ როგორც ფიზიკური, ასევე სიტყვიერი შეურაცხყოფა. მე

მოვითხოვე წასვლა კიტოვანთან. ჩემი სამსახურეობრივი ავტომანქანა „ვოლგით“ ჩემთან ერთად წამოვიდა 3 ბანდიტი. ისინი მე მაშინებდნენ. როცა მივალწვიეთ კიტოვანის ადგილსამყოფელამდე, კაბინეტში იმყოფებოდა საქართველოს თავდაცვის სამინისტროს შტაბის უფროსის მოადგილე 26 წლის ბრიგადის გენერალი (სონუმის რ-ნის პასუხისმგებელი). ეს იყო დაახლოებით ღამის 2 საათსა და 20 წუთზე. რამოდენიმე წუთის შემდეგ გაიღო კარები და მეორე ოთახში მე დავინახე გენერალი ბეჰავეი. როცა კაბინეტში შემოვიდა კიტოვანი, მე ვკითხე, თუ ვინ გასცა ბრძანება საწყობებზე თავდასხმის შესახებ. მან მიპასუხა, რომ ყოველივე მოხდა მისი ბრძანებით. კიტოვანი და ბეჰავეი იყვნენ ნასვამები“.

გავდიოდი სამხედრო მოქმედებების რაიონშიც. მე ვრწმუნდებოდი იმაში, რომ კიტოვანი იყო მხოლოდ უშუალო შემსრულებელი.

ხდებოდა უცნაური რამ, რომელიც ნორმალური ლოგიკით არ უნდა მომხდარიყო. მაგ: ასეთი ფაქტი: 2 კვირის განმავლობაში (22.12.91 წ-დან 6.01.92 წ-მდე) მთლიანად თბილისში მიმდინარეობდა სროლები. ოლქის ჯარები განიცდიდნენ თავდასხმებს და ამ დროს სარდალი იმყოფებოდა შვებულბაში. მას არც კი იმახებდნენ მოვალეობის შესასრულებლად. თვით სამხედრო გადატრიალების კრიტიკულ მომენტში ოლქის ჯარს ტოვებს გენერალი ბეჰავეი. იგი 25-დან 29 დეკემბრამდე იმყოფებოდა ნაღჩიკში, სადაც საბრძოლო მოქმედებები არ მიმდინარეობდა და არც

პოლკის „გაობახტიდან“ გამოიყვანეს რამოდენიმე დაპატიმრებული ჯარისკაცი. ეგონათ, რომ ისინი მათ მხარეს დაიჭრდნენ, სინამდვილეში კი სწორედ მათვე განაიარაღეს თავიანთი მსხველგები. თავდამსხმელები იმასაც არ მოელოდნენ, რომ პოლკში იმყოფებოდა 2 დესანტი, რომლებიც ჩამოსულნი იყვნენ ცხინვალის რაიონიდან, რათა ნაწილში პური ჩაეტანათ.

ჩვენი მხრიდან მოკლულები იქნენ: ანდრეი როდიონოვი (მას ავტომატის ჯვრით მუცელი ჰქონდა გადახსნილი); კაპიტანი პაველ პინუგინი (5 ტყვია კეფაში და ზურგში) 8 წლის მარინა სავოსტინა, ოფიცრის შვილი (2 ტყვია ფილტვში და ხერხემალში). რამოდენიმე აღმნიშნულ მძიმე სხვადასხვა სახის დაზიანებები. ოფიციალური ცნობებით ქართველთა

არავინ აკო. მოგვიანებით პოლკი დაშალეს და მთელი შეიარაღება გადაეცა ქართულ მხარეს. ისმება კითხვა: რისი გულისთვის დაილუპნენ რუსი ჯარისკაცები?

სუფინ ბეჰავეს, ეროვნებით ბალყარს რეკლამას უკეთებდნენ როგორც კავკასიაში მშვიდობის დამამყარებელს, სინამდვილეში კი... აი, ჩვენი კონტრდაზვერვის ინფორმაცია.

„12.05.92 წ. ნოვოალექსეევკის აეროპორტიდან (თბილისის გარეუბნის, კალას (აზერბაიჯანის) აეროდრომზე გადატანილი იყო იარაღის პარტია 400 ავტომატისა და 80 ყუთი ტყვიაწამლის რაოდენობით. ეს გადატანა განხორციელდა გენერალ ბეჰავეის განკარგულებით 2 თვითმფრინავის მეშვეობით TY 132 (სარდლის სალონი) შემადგენლობით... „ОСАЭ“ (სამხედრო ნაწილი 78 782) და ИЛс20 შემადგენლობა ОРАО РУ 3АКВ0 (სამხედრო ნაწილი 15 282).

იარაღი ჩატანისთანავე მიღებული იქნა აზერბაიჯანის თავდაცვის სამინისტროს მიერ გენერალ მუსაევის ხელმძღვანელობით. ამ ფაქტმა მიიღო განმარტება და განსჯა-გარჩევა ესკადრილის სამხედრო მოსამსახურეების მიერ. მათი აზრით, ამ ინფორმაციის განმარტება გამოიწვევდა იმას, რომ სომხეთის მთავრობას ხელში ექნებოდა ყველა მამტკიცებელი საბუთი იმისა, რომ რუსეთის ჯარი ეხმარება აზერბაიჯანს.

„10.10.92 წ. 145 მოტომსროლელი დივიზიის გენერალ-მაიორმა კრუჟილინმა (ქ.ბათუმის შტაბი) მიიღო განკარგულება ბეჰავეისაგან, რომ მიეცათ აჭარის ნაციონალური გვარდიის წარმომადგენლებისათვის 40000 ნაღმი 122 მმ ნაღმტყორცნისათვის და 20 ცეცხლმტყორცნი.

ამ განკარგულების შესახებ დივიზიის უფროსმა მოახსენა ამიერკავკასიის სამხედრო ოლქის მთავარსარდალს, გენერალ ლეიტენანტს რუჟს, რომელმაც განაცხადა, რომ მან არ იცის არაფერი ამის შესახებ და გასცა განკარგულება შეეწყვიტათ იარაღის გადაცემა“. აქედან გამომდინარეობს დასკვნა, რომ იქმნებოდა აჭარის ომის საშიშროება. ყველა დროში უმაღლესი ოფიცრის ღირსებად (და მითუმეტეს გენერლის) ითვლებოდა პატიოსნება — ეს მას ვალდებულს ხდიდა პირნათლად შეესრულებინა ფიცი, მიღებული თავისი ქვეყნის წინაშე. პატიოსნება იყო ცხოვრებაზე მერიფასი, ურომლისობაც სიკვდილზე უარესია. ის ვინც ერთხელ მაინც ჩაიდენდა არაპატიოსან მოქმედებას, მას ართმევდნენ სამხედრო წოდებას და ანთავისუფლებდნენ სამხედრო სამსახურიდან. ახლა კი ყველაფერი პირიქით ხდება. მამაცობა და მედგრობა ითვლება სისულელედ, ხოლო დაღატი ღირსებად და ცხოვრებაში წარმატებების მომტანად.

აზორიაქებულნი დრო

ზემოთაღნიშნულიდან გამომდინარეობს კითხვები: ვინ იყო ის ვიღაც ოლქის სარდლობიდან, რომელიც ხსნიდა დაცვას საწყობებიდან მისი ქონების დატაცების წინ; რატომ იმყოფებოდა გენერალი ბეჰავეი ამ საწყობების დაყარალების ორგანიზატორ კიტოვანთან?

საჭიროა გაირკვეს თუ რა ურთიერთობა არსებობდა ბეჰავესა და კიტოვანს შორის. ამას მოწმობს თვით ბეჰავეის გამოთქმა საქართველოს პირველი პრეზიდენტის ზვიად გამსახურდიას გადაყენების შესახებ: გამსახურდიამ მომმართა გამოვსულიყავი საქართველოს ტელევიზიით, მაგრამ გამოსასვლელი ტექსტი წინასწარ უნდა მეჩვენებინა მისთვის, ამასთან ამიკრძალა ტექსტის გარეშე რამე მეთქვა და მიბრძანა რაც შეიძლებოდა მეღანძრა კიტოვანი პრეზიდენტის წინააღმდეგ მისი გამოსვლის გამო. მე ეს ბრძანება შევასრულე. კიტოვანიც ცვლანძღე. თუმცა ტელევიზიაში გამოსვლის წინ მე დავუკავშირდი ტელეფონით კიტოვანს, რომელიც დამთანხმდა ლანძღვაზე და მითხრა, როგორც გინდა ისე მაგინეო. მე მეტი რა უნდა მექნა. როგორც რუსეთის გენერალს, უნდა დამეთვასებინა საქართველოს პრეზიდენტი, თუმცა ოპოზიციის წინააღმდეგეც არ უნდა ვყოფილიყავი. ამიერკავკასიის სამხედრო ოლქის პოზიცია ნეიტრალიტეტია. ამიტომაც აქედან გამომდინარე ეს არის ჩემი პოზიცია.

— კიტოვანი გთავაზობდათ დაცვას. ის თქვენზე მეგობარია? — დიას მთავაზობდა, მაგრამ მე მას უარი ვუთხარი. ის რა თქმა უნდა ჩემი მეგობარია. მე ვიყავი მოწმე საქართველოში 1991 წ. დეკემბრისა და 1992 წ. იანვრის გადატრიალებისა. მე ყოველთვის ვიმყოფებოდი ოლქის დაზვერვის სამმართველოში, სადაც გროვდებოდა ინფორმაციები გადატრიალების შესახებ. პერიოდულად

ოლქის ჯარი იმყოფებოდა.

რა ხდებოდა 1991 წ. 25 დეკემბერს? კიტოვანის მოგონებიდან: „ბრძოლების დროს ყველაზე მძიმე დამე იყო 24-დან 25 დეკემბერი, როცა ხელზე დავერჩა 80-მდე გვარდიელი ზვიად გამსახურდიას 4 000 მომხრის საპირისპიროდ, რომლებიც ჩასაფრებულნი იყვნენ მთავრობის სასახლეში. იმ დამე ვფიქრობდით წავსულიყავით მთებში“. მოკლედ სამხედრო გადატრიალება ფიასკოს განიცდიდა. გამარჯვება იყო გამსახურდიას მხარეზე, თუ ის გამოვიდოდა ბუნკერიდან.

ალბათ მას არ უნდოდა დამატებითი მსხვერპლი და ფიქრობდა, რომ ყველაფერი იქნებოდა მის სასარგებლოდ. ბუნკერში ზეიმობდნენ გამარჯვებას, სვამდნენ შამპანიურს, ცეკვავდნენ (ციფლოფილში ნაჩვენები იქნა საქართველოს ტელევიზიით), მაგრამ უცებ ოპოზიციას, თითქოს ჯადოსნური ჯოხის მეშვეობით, გამოუჩნდა საბრძოლო მარაგი, მძიმე ტექნიკა, რისი საშუალებითაც შეძლებდნენ დაენგრიათ ბუნკერის სქელი კედლები.

1992 წ. 13 ივლისს მოხდა სისხლიანი ტრაგედია გორში. 19 სთ 30 წთ-ზე 200-მდე შეიარაღებული ბოვიკი თავს დაესხა რუსეთის სატანკო პოლკს. შაბათი დღე იყო. პოლკში დამთავრდა საპარკო-სამეურნეო დღე. ნაწილის ტერიტორიაზე დარჩა ხალხის მინიმალური რაოდენობა. თავდამსხმელებმა ვერ გაითვალისწინეს, რომ ოფიცერთა საერთო საცხოვრებელში იმყოფებოდა 3 ოფიცერი, რომლებიც გამეგებულნი იყვნენ სამხედრო ძალებიდან ოფიცრის წოდების დისკრედიტაციისათვის. როცა „სტუმრები“ მოვიდნენ, სამივე გადახტა ფანჯრიდან და მივიდნენ პარკთან, სადაც იდგა ტანკი. მათ დაიწყეს ტანკის მუხლუხობით თავდამსხმელების განადგურება. (საბრძოლო აღჭურვილობა ტანკებში არ იმყოფებოდა). თავდამსხმელები შეცბნენ, როცა

მხრიდან დაილუპა 12 გვარდიელი, დაიჭრა 20, ხოლო 28 აყვანილი იქნა ტყვედ.

ყურადღებას იქცევს ისიც, რომ ტყვე ქართველები აცხადებდნენ, ჩვენ მოვდიოდით პოლკის დაპყრობის იმიტაციისათვის. ტექნიკის გადაცემაზე გადაწყვეტილება იყო უმაღლეს დონეზე. ამ სტრიქონის ავტორი აფხაზეთის ომის დაწყების მეორე დღესვე იმყოფებოდა საქართველოს თავდაცვის მთავარ შტაბში, სადაც იყვნენ: გენერალური შტაბის მოადგილეები — პაატა დათუაშვილი, ნოდარ თათარაშვილი და კიდევ მთავარი სამხედრო მრჩეველი ლეჟან შარაშენიძე, რომლებიც გაკვირვებულნი შეკითხებოდნენ, თუ რატომ მოხდა გორში წინააღმდეგობის გაწევა, როცა წინასწარ გადაწყვეტილი იყო პოლკის ტექნიკის გადაცემა.

მეორე ყურადღებები მომენტი: ამ ამბის შემდეგ როგორც კი გაიგეს მოკლულებსა და დაჭრილებზე, გორში მანქანით გაემურონენ სამინი: ბეჰავეი, კიტოვანი და პრემიერ-მინისტრის მოადგილე ამხ. კავსაძე. კიდევ ერთხელ ერთად ბეჰავეი და კიტოვანი. რა როლს ასრულებდა ეს უკანასკნელი ამ ინციდენტში? თავდასხმაში მონაწილეობდნენ სამხედრო მოსამსახურეები 4 ბატალიონიდან: თბილისის, ხაშურის, კასპის და გორის ე.ი. ამ აქციის ორგანიზატორობა შეეძლო მხოლოდ საქართველოს თავდაცვის სამინისტროს, რომელსაც მაშინ ხელმძღვანელობდა კიტოვანი. პოლკში მოსვლისთანავე ბეჰავემა უხეშად ლანძღა პოლკისა და შტაბის ხელმძღვანელები მიღებული დანაკარგისათვის, თუმცა არავინ იცოდა, რომელმხარეს ემხრობოდა იგი — ქართულს თუ რუსულს. ამის გარდა ბეჰავემა ბრძანება გასცა სასწრაფოდ გაენთავისუფლებინათ ტყვეები, მაშინ როდესაც უნდა დაწყებულიყო გამოძიება მომხდარ ფაქტთან დაკავშირებით. ასე რომ, ჩადენილ დანაშაულზე პასუხი

თუ შევარდნაზე არა, მაშ ვინ?..

დღეს ყველასთვის, ვისაც ოდნავ ჰქუა მოეკითხება, ცხადია, რომ ქვეყანამ დაკარგა სახელმწიფოებრივი დამოუკიდებლობა და სამწუხაროდ, მისი სუვერენიტეტი, ფაქტობრივად, ფარატინა ქალღმერთად დარჩა. გვინდა ეს თუ არ გვინდა, რეალობა ასეთი გახლავთ და მას ვერსად გავიქცევით.

სხვა საკითხია, თუ რატომ მივედით აქამდე. მავანნი ამაში წინა ხელისუფლებას სდებენ ბრალს, მავანნი და მავანნი ოპოზიციასაც, მაგრამ გაცილებით ბევრნი არიან ისინი, ვინც ყველაფერში დღევანდელ ხელისუფალთ ადანაშაულებენ, რადგან სწორედ ამ ხელისუფლების მმართველობის პერიოდში განვითარდა ის პროცესები, რომელმაც საბოლოოდ სამაჩაბლოც დაგვკარგვინა, აფხაზეთიც და ისეთ ქაოტურ მდგომარეობაში ჩაგვადგო, რომ ძალიან პატაროს ვერ ცნობს.

შეგნებულად გაკეთდა ეს ყველაფერი თუ შეუგნებლად, ამას ისტორია შეაფასებს და შესაბამის მსჯავრსაც გამოიტანს. ეს იქნება მომავალში, დღეს კი რა გვეშველება, რა გვინსნის? აი კითხვა, რომელიც აწუხებს დღეს ჩვენში ყველას, დიდსა და პატარას, პოლიტიკოსსაც და გლეხ-

საც, ყველას, ვისაც მხოლოდ საკუთარ კუჭზე ზრუნვა არ გაუხდია სასიცოცხლო მნიშვნელობის საქმედ.

სავალალო ის არის, რომ ამ კითხვებზე მზა პასუხი თითქმის არავისა აქვს, არც ოპოზიციას და მეტადრე, არც ხელისუფლებას, თუმცა პირველს მიაჩნია, რომ ქვეყნის ხსნა ხელისუფლების შეცვლაშია, ხოლო მეორე კი თვლის, დსთ-სთან, რუსეთთან შეიძრო კავშირში შეიძლება კრიზისიდან გამოსვლა.

ეს უკანასკნელი პარლამენტში უმრავლესობის, პარლამენტს გარეთ კი მოქალაქეთა კავშირის, სხვა სახელმწიფოებრივი და მმართველობითი სტრუქტურებისა და ინტელიგენციის გარკვეულ წარმომადგენლებზე დაყრდნობით ცდილობს ბოლომდე მიიყვანოს ის პოლიტიკა, რომელიც ამ ორი წლის წინ დაიწყო და საბოლოოდ, როგორც ხსნას, კვლავ პოსტსაბჭოურ სივრცეში, ანუ იმპერიის მარწმუნებში მოქცევას გვიქადის (თუ უკვე არ მოგვექცით).

ფაქტობრივად, ჩვენს პოლიტიკურ არენაზე, ისევე, როგორც მთელი ჩვენი ისტორიის მანძილზე, მიმდინარეობს ბრძოლა ორ ძალას, ანუ დახვეწილ და რუ-

სული ორიენტაციის ძალებს შორის და ეს ბრძოლა, შეიძლება ითქვას, უკანასკნელ ფაზაშია. ლოგიკურად თუ ვიმსჯელებთ, ანუ შედეგების მიხედვით თუ დავსკვნით, იმარჯვებენ ის ძალები, რომლებიც თვლიან, რომ საქართველოსთვის უფრო მისაღებია რუსეთის სივრცე და ამ სივრცეში ყოფილ კოლონიებთან ერთად ინტეგრაციაში შედგენ ქვეყნის ხსნას (და რა თქმა უნდა, საკუთარი სკამებისაც), თუმცა მათ ამ გამარჯვებას პირობითად შეიძლება ვუწოდოთ გამარჯვება. ეს უფრო დამარცხებაა, რადგან მათი ორიენტაციისა და პრინციპების გამარჯვებას ქვეყნის დამოუკიდებლობა შეეწირა. სამწუხაროდ, ბევრ მათგანს საკუთარი სკამი და პრივილეგიები ქვეყანასაც ურჩევნია, მის დამოუკიდებლობასაც და საკუთარ სინდის-ნამუსსაც.

ოპოზიცია სულ უფრო დაბეჭითებით ითხოვს ხელისუფლების საკითხის, ანუ უმაღლესი ხელისუფალას უფლებამოსილებათა საკითხის გატანას პარლამენტის ხსნომდე, მაგრამ უმრავლესობა ამისი სასტიკი წინააღმდეგობა და მიზეზად ის მოაქვს, რომ ახლა, როცა აფხაზეთში სამშვიდობო პროცესები დაიწყო, ეს არაფრით შეიძლება, ეს ჩაშლის ამ პროცე-

სებსო. ერთი შეხედვით, შეიძლება ეს ასეც მოხდეს, მაგრამ მეორე მხრიდან თუ შევხედავთ, ხელისუფლება აფხაზეთში მიმდინარე სამშვიდობო პროცესით ამთავრებს იმ კურსს, რომელზეც შემოთ გვექონდა საუბარი და ფაქტობრივად, უპირობოდ აღიარებს ჩრდილოელ შეზღოვებს ერთადერთ მფარველად და მამა-მარჩენლადაც.

ურემი რომ გადაბრუნდება, გზა მეორე გამოჩნდება. ოპოზიციამ, რომელიც, მართალია, საპარლამენტო (იშვიათად სატელევიზიო) გამოსვლებში, პრესით ყოველთვის კონსტრუქციულად (ზოგჯერ რადიკალურადაც) აკრიტიკებდა ხელისუფლების საშინაო თუ საგარეო პოლიტიკურ კურსს, ქმედითი გავლენა ვერ იქონია ამ კურსის შეცვლაზე და დღეს, როცა ურემი უკვე კარგახნის გადაბრუნებულია, მოითხოვს უმაღლესი ხელისუფლისთვის უფლებამოსილების მოხსნას, რამაც, დაუშვავთ და რომც მოხდეს კიდევ, საეჭვოა იმ საწყის ეტაპთან დაგვებრუნოს, საიდანაც დაიწყო ამ ხელისუფლებამ ქვეყნის მართვა და ის დანაკარგებიც ავინაზღაუროთ, რაც ქვეყანამ განიცადა მისი მმართველობის პერიოდში.

თუმცა, გამორიცხული არც ისაა, რომ ხელისუფლების შეცვლას სასიკეთო შედეგები მოეყვას. ეს იმ შემთხვევაში, თუ ქვეყნის სათავეში ის ხალხი მოვა, ვისაც საკუთარ ამბიციებზე და ინტერესებზე მაღლა ქვეყნის ინტერესები აქვთ დაყენებული და სხვადასხვა ჯურის მფიხას საჭიჯანდ არ მოუგლებენ ქვეყანას. ოპოზიციაში, უჭველად არიან ასეთი ადამიანები და ღმერთმა ნუ ქნას, არ იყვნენ. ზვიადის ტები თავის დროზე ასე აყენებდნენ საკითხს: თუ ზვიადი არა, მაშ ვინ? შევარდნადიხტებიც იგივეს იმეორებენ დღეს: თუ შევარდნამ არა, მაშ ვინ? საკითხის ასე დაყენებამ დავგულა და მოგვიყვანა ამ დღემდე. მარადიული ნდობის მანდატიც არცერთ მმართველს არ უნდა მივეცეთ, რა დონის ავტორიტეტიც არ უნდა იყოს იგი. ერის წიაღში ყოველთვის მოიძებნება ის ძალა, რომელიც ქვეყნის გადარჩენას იღებს თავს. ასე იყო ჩვენი ისტორიის არაერთ შავბნელ პერიოდში. ასეა დღესაც. ეს ძალა აუცილებლად გამოჩნდება და ისინი ქვეყანას, რა თქმა უნდა, ღმერთისა და ხალხის თანადგომით.

სამრბო ჯანაშია

გაგრძელება. დას. იხ. „საქართველო“ № 7,8,9,10,11,12,14.

განსოვდით აფხაზეთი

ღია საფლაკეები

23 იანვარი, 1993 წელი

არძინბაშ, რბილად რომ ვთქვათ, თავი მოაბეზრა ადამიანებს თავისი არარსებული „სახელმწიფო აფხაზეთის“ არსებობის შესახებ. მის მიერ გაჩაღებულმა კონფლიქტმა აფხაზეთში მრავალი ადამიანის სიცოცხლე შეიწირა და დასაღუპავად გასწირა აფხაზი ხალხიც. მთელი დამის განმავლობაში რადიომიმდებს ვუკრკატებდით, იქნებ რუსული, ან საზღვარგარეთის გადაცემებიდან შემეტყუო რაიმე. და აი, შემთხვევით დავიჭირე რადიო „სვობოდას“ გადაცემა.

არძინბა რადიოს კორესპონდენტს მოსკოვში ინტერვიუს აძლევდა. მისი ხმა მაშინვე ვიცანი, ლაბარაკობდა ჩვეული ემოციებით, თავის თავში ფანატური დარწმუნებით, ლაბარაკობდა, რომ აფხაზეთი არის დამოუკიდებელი სუვერენული სახელმწიფო და იგი ანექსირებულია ქართველი ჯარის მიერ. დაყინებით მოითხოვდა, რომ სახელმწიფო საბჭოს (?) ჯარმა უნდა დატოვოს აფხაზეთი და აქ უნდა დარჩეს მხოლოდ რუსის ჯარი, რომელიც დაცავს მშვიდობას. შეკითხვაზე, რატომ იმალება იგი მოსკოვში და რატომ არ არის გუდალუთაში, უპასუხა, რომ იგი მოსკოვში — ერთ-ერთი ლტოლვილთაგანია აფხაზეთიდან და ჰუმანიტარული დახმარების საკითხებს აგვარებს.

გუშინ, მოსკოვში საქართველოს წარმომადგენლობის წინ თავი მოიყარა ორმოცამდე აფხაზმა და პროტესტი განაცხადეს

იმის გამო, რომ თითქმის რუსეთის ორი ვერტმფრენი, რომელთაც ჰუმანიტარული ტვირთი მიჰქონდათ კრასნოდარის მიტოვებულ ტყვარჩელში, ქართველებმა აიძულეს დაესვათ სოხუმის აეროპორტში. რუსეთიც განგებ აპროვოცირებს სოჭში ჩამოტანილი ტვირთის გადატანის შეყოვნებას იმის გამო, რომ თითქოსდა ქართველი სამხედრო სარდლობა ნებას არ აძლევდეს ტრანსპორტირებაზე. ამის თაობაზე მიმართვა გააკეთა აფხაზეთის მინისტრთა საბჭომ, ხოლო საქართველოს საგარეო საქმეთა სამინისტრომ ნოტა გაუგზავნა რუსეთის მთავრობას, რომელშიც აღნიშნულია, რომ ჰუმანიტარული ტვირთის გადაზიდვის ტრასა გადის არა ფრონტის ხაზზე გადაფრენით და პირდაპირ ტყვარჩელში, არამედ ვერტმფრენები თუ თვითმფრინავები ზღვიდან შემოვლით უნდა შემოფრინდნენ სოხუმის აეროპორტში, რაზედაც ყველაფერზე ეცნობება აფხაზეთის მინისტრთა საბჭოს თავმჯდომარეს თანადარეიშვილს, ტვირთი შემოწმდება და შემდეგ ნება მიეცემა ტყვარჩელში გადატანისა. შემოწმება ითვალისწინებს იმის გარკვევას, არის თუ არა იგი ნამდვილად ჰუმანიტარული, თუ ისეთი ტვირთია, როგორიც მიჰქონდა საკენში დამჯდარ რუსეთის ვერ-

ტმფრენს — ზურბა ლაბაზუა და მმანი მისნი, რომლებიც საპარო სივრცის დარღვევით ტყვარჩელში მიფრინავდნენ. თანაც ასევე გამოხდომები იწყობა იმ დღეებში, როცა თბილისში მიმდინარეობს რუსეთ-საქართველოს მოლაპარაკება ხელშეკრულების მოსამზადებლად. ამ მოლაპარაკებისათვის გუშინ თბილისს ჩამოვიდა პრეზიდენტ ელცინის საგანგებო დავლებათა ელჩი კოვალოვი. დღეს მოლაპარაკება იწყება მასთან. კოვალოვმა აეროდრომზე მოკლე ინტერვიუში განაცხადა, რომ მოლაპარაკება იწარმოებს სასაზღვრო, ეკონომიკურ და სხვა საკითხებზე.

ამდენი მოლაპარაკება და რაუნდები არც ერთ ისტორიულ მოლაპარაკებას არ ახსოვს. ამასობაში ჩვენი ეროვნულ მოძრაობათა პარტიების წარმომადგენლები განაგრძობენ ბჭობას იმის თაობაზე, თუ როგორ მიუღდნენ რუსეთთან მოლაპარაკებას.

საქართველოში ბევრი ბნელი ძალა მოქმედებს. იმ დროს, როცა მოლაპარაკება უნდა დაწყებულიყო, დესანტთა ფორმაში გამოწყობილი ორმოცდათამდე შეიარაღებული პირი თავს დაესხა რუსეთის სასაზღვრო ჯარების ქვეგანყოფის საწყობს კახეთის გზატკეცილზე, მოკლეს ორი ჯარისკაცი და გაიტაცეს ავტომანქანები... მოლაპა-

რაკების ჩასაშლელად გამიზნული პროვოკაციაა.

24 იანვარი, 1993 წელი

გამოაცხადეს, რომ ხელოდან ერთი კილოგრამი პური ოჩამჩირეში 35 მანეთი გახდება. მანამდე ოჩამჩირეს პურის ფასზე შეღავათი ჰქონდა, როგორც საფრონტო ქალაქს, ამიტომ ამ პრობლემაზე აქ ყიდულობდნენ და სხვა რაიონებში ძვირად ყიდდნენ. რაც შეეხება არაღუსს, აქ უფასოდ შემოაქვთ ყოველგვარი პროდუქტი იმათთვის, ვინც დგას სამშობლოს დაცვის სადარაჯოზე. ნამდვილად ყველავეს გვადლევენ: პური, ბურღული, მაკარონი, ბრინჯი, სხვადასხვა კონსერვი; ცუდია მხოლოდ ის, რომ ვერ განმტკიცდა დისციპლინა, არ ივდებება (ან ცუდად ივდებება) სამხედრო ოპერაციები. ისევ ლოდინი, მაგრამ უსასრულო არც ლოდინი დაუწყებია უფასლს...

საქართველოში სხვადასხვა ჯურის შინაური მტრები მოქმედებენ. დავემეღმა პროვოკაციამ, რუსეთის სასაზღვრო ჯარების ნაწილზე თავდასხმამ, თბილისში ხალხის საყოველთაო აღშფოთება გამოიწვია, ამაზე მეტი მტერი შეიძლება? ეს იმ დროს ხდება, როცა რუსეთ-საქართველოს მოლაპარაკება დაიწყო. ამკარაა, სახელმწიფო მეთაურს ხელს უშლიან, არ ანებებენ მუშა-

ობას, თუმცა, უნდა ითქვას, რომ ნამეტანი. ლმობიერებას იჩენს ბატონი შევარდნაძე. ვფიქრობ, საომარ პირობებში ასეთი ლმობიერება ვერ მოიტანს კარგ შედეგს.

როგორც ყოველთვის, ამ დილითაც ჩვენთან შეიკრიბა სამეულო: ბადრი, ბახვა და ბორი... ამ სამი კაცის კისერზე გადადის ძირითადად სოფლის ჯარი და ლხინი და ბუნებრივია, ყოველ დილით აწყობენ გვემებს, თუ რა გააკეთონ.

ცხენისწყალზე დაიღუპა თვრამეტი ახალგაზრდა ცაგერადან და ვინ მოთვლოს, რამდენი სხვა რაიონებიდან. ახლაც იქ ყოველდღიური ბრძოლებია, მაგრამ ერთი ნაბიჯიც კი ვერ წაიწიეს კოჩარაში შესასვლელად. ბიჭებს ვკითხე, (ისინი ცხენისწყალზე იბრძვიან) რას ფიქრობდნენ კოჩარის აღებაზე. მათ თავი გადააქნიეს (მირიანი ხარაგაულელია, კაკო მგონი, თბილისელი), ჩვენ მანამ წინ წამსვლელი არა ვართ, სანამ მხარში არ ამოვივდებიან თვით კოჩარელები. კოჩარის ბატალიონი ხომ შეიქმნა — მეთქი, ირანიულად გაიღიმეს.

ასე ჩაიგდო კოჩარამ თავისი თავი საცოდავ მდგომარეობაში. დღეს რუბენ ჩაკვეტაძის გასვენებაა. იგი ამ ორიოდ დღის წინ მოკლა სნაიპერმა მერკულიდან. რას ერჩოდნენ უდანაშაულო მოხუც კაცს. წუხელ რაღაც ახალი იარაღით დაბომბეს სოხუმი. დამით სინათლე ჩაქრა, ალბათ, ისევ „იმარჯვე“ დივერსანტებმა.

ბიძინა გოლეთიანი

პარლამენტური მეთოდებით — პარლამენტარისების წინააღმდეგ

(პარლამენტი დაუმსახურებელ არღაღებებზე მიღის)

ნოდარ ნათაქაძე

პირველი გვერდიდან

სპეკულაციას ინფლაციაზე, ანუ საკუთარი ქვეყნის უბედურებაზე თამაშის სახით. მეორეც, მოხდა „პერიდან“ ანუ არარადან ფულის „გადარცხვა“ რუსეთში, რასაც ეროვნული ბანკის ყოფილი თავმჯდომარე გულუბრყვილო ტელემაყურებელსა და გულუბრყვილო პარლამენტარებს ლამის ჩვენს მიერ ჩვენი მეზობლებისაგან საჩუქრის მიღებად უსახავდა. მოხდა ის, რაც უნდა მომხდარიყო: „პერიდან“ მოტანილი „გადარცხვები“ რუსეთის ასტრონომიულ ვალად დაგვეწვრა და მათგან მიღებული თანხებიც პირწმინდად რუსეთში დარჩა. მესამეც (და, შესაძლოა, ყველაზე მნიშვნელოვანი, რადგან ეს პროცესი გრძელდება): საქართველო გაიჭურდა, იჭურდება, გაიძარცვა და იძარცვება ყველა დონეზე — ქუჩის რეკეტით დაწყებული და აღმასრულებელი ხელისუფლების უმაღლესი ეშელონებით დამთავრებული. როდესაც მინისტრთა საბჭოს პარლამენტი ამტკიცებდა, სახელმწიფოს მეთაურმა არ ისურვა, მისგან წამოყენებული კანდიდატების პატიოსნების გარანტია მიეცა და ეცნობებინა, რომელი მათგანი იყო სამართალში ნამყოფი და რა მუხლით ან ეჭვით. შედეგებზე მხარეები: დღეს საქართველოს არტერიებზე ხარბი მავთები ანუ დამანაშავეთა ორგანიზებული ბანდები დაწვებული და სისხლს წოვენ. პერსპექტივა ცხადია: ქვეყნის გაჭურდვის შემდგომი ეტაპი მიწის, წიაღისა და სხვა უძრავი განიავება და უცხოელებზე (მათ შორის — დამპყრობლური ზრახვების მქონე მეზობელ უცხოელებზე), ნაქურდალი სიმდიდრისა და სიღატაკის კონტრასტის ზრდა. კიდევ უფრო მასობრივი შიმშილობა, ვიდრე დღესაა, და შიმშილის მსხვერპლთა რაოდენობის კატასტროფული ზრდა.

არსებობს აზრი, რომელზეც ვერც „პოს“ იტყვი სრული დაბეჭითებით და ვერც „არას“ — მშვიდი, რომ ჩვენი ქვეყნის ესოდენ უბუნური ეკონომიკური მართვა შეგნებულად ხდება იმ მიზნით, რომ ყოველგვარი ეროვნული ნება ჩაგვიხშოს და რუსეთის დაქვემდებარებისკენ გვიბიძგოს. მაგრამ ამ შემთხვევაში ეს განსხვავება როგორ აღარ თამაშობს. ფაქტია, რომ დამწყველ ქვეყანას შველა უნდა და რომ დღეს ის დღე არ არის, მშველელი დასვენებას ითხოვდეს!

მეორე მაგალითი. ჩვენი დამარცხება იმის განვლილ ეპიზოდში უმაგალითო სირცხვილია და უმაგალითო დანაშაულობათა შედეგია. დღემდე არ გამოძიებულა, რატომ დავცა ვაგრა, რატომ დავტოვეთ ზურგში ტყვეარჩელის მიწა, რატომ დავდეთ 27 ივლისის ბრმა შეთანხმება სოხუმთან ტე-

ქნიკის გამოყვანის შესახებ, რატომ შევიყვანეთ მოსახლეობა აგვისტოში სოხუმში, რატომ არ შევქმენით სოხუმში და სოხუმს აქეთ თავდაცვის სათადარიგო ზღუდეები, რატომ დავთმეთ უბრძოლველად ოჩამჩირე და გალის რაიონი. ამგვარი სარდლობა სარდლობის არარსებობას ნიშნავს, ხოლო მძიმე ტექნიკით ლაშქრობა დასავლეთ საქართველოს ქალაქებში პოლიტიკური მოწინააღმდეგის დასათრგუნავად, რაც 1992 წელს განხორციელდა და რამაც შემდეგ აფხაზეთში ჩვენი ფრონტის ზურგი მოარღვია — დანაშაულს ერისა და ისტორიის წინაშე. ის ბრმა პოლიტიკა — ან, უფრო რბილად რომ ვთქვათ, პოლიტიკა, რომელიც ერის და მისი პოლიტიკური პარტიების დიდ ნაწილს ბრმად მიანიჭა — გრძელდება. სახელმწიფოს მეთაური, რომლის მართვა მისი პარლამენტის თავმჯდომარედ არჩევის შემდეგ და კიდევ ორიოდე თვე მანამდე, მარცხთა და შეცდომათა განუწყვეტელი ნაკადია, კვლავ ერთპიროვნულად მართავს სახელმწიფოს და შეცდომას შეცდომაზე უშვებს. პარლამენტს, რომელიც ბრძოლის ველიდან გაიპარა ქვეყნისთვის მძიმე ჟამს, სხვა მისაღებ დადგენილებებთან ერთად მაგიდაზე დარჩა განცხადება ერთი მიუტევებელი და ძალიან მძიმე შედეგისანი შეცდომის გასასწორებლად, რომელიც სახელმწიფოს მეთაურის მიერ ერთპიროვნულად დანიშნულმა მინისტრმა და წარმომადგენელმა დეპუტატმა ვ.ხაჭაპურიძემ დაუშვა. ასევე ერთპიროვნულად, პარლამენტის ნების წინააღმდეგ მიენდოთ აფხაზეთის შესახებ საპასუხისმგებლო მოლაპარაკების წარმოება ა.კავსაძეს და გიორგიანს. შედეგი ვიცით: ენგურზე შევარდნაძის მიერ უფლებამოსილებული რუსი ჯარი დგას და ქართველი ლტოლვილები, რომელთაც გაჭირვება და სასოწარკვეთილება უბიძგებს, აფხაზეთის მიერ მართულ და პერიოდულ გალის რაიონში შედიან...

არ მინდა საქმის გამარტივება იმის თქმით, რომ შევარდნაძის აფხაზეთი პოლიტიკა მცდარია და მას კორექტირება სჭირდება, მაგალითად, აფხაზეთის დაქვემდებარებაში ქართველი ლტოლვილების მობრუნების შეჩერება. ორი პოლიტიკის ერთად აღრევა არ შეიძლება, ასეთი შერეული, ანუ ეკლექტური პოლიტიკა იმის გარანტიაა, რომ ვერც ერთ გზაზე მოვიპოვებთ რასმე დადებითს და ვერც მეორეზე. პოლიტიკა ერთი უნდა იყოს და, თუ იგი ტარდება, მისი შესაძლებლობები სრულად უნდა იქნას გამოყენებული, მაგრამ ეს როდი ნიშნავს, რომ შევარდნაძის აფხაზეთი პოლიტიკა, რომელიც მისი ზოგადი პროფესიული პოლიტიკიდან ამოღის, სწორია. პირიქით, იგი ყველაზე მძიმე

შედეგების მომტანი პოლიტიკაა, რადგან ის ქართველი მოსახლეობა, რომელიც დღეს გალში ბრუნდება აფხაზეთისა და რუსების დაქვემდებარებაში, ამით ჩვენი სახელმწიფოებრიობის სისტემიდან გამოდის და ადამიანური სისუსტის გამო, რომელიც გასაგებია, იმ კაცობრივი მოპყრობის პირობებში დამკვიდრებისთანავე, ჩვენი იურისდიქციის იქ ვაგრცელების წინააღმდეგ გამოსაყენებელ უმძიმეს ფაქტორად იქცევა. შევარდნაძის აფხაზეთი პოლიტიკა სხვა არა არის რა, თუ არა კატასტროფის მოკლე დროით გადავადება და ისტორიის მოტყუება იმ მხრივ, რომ დღევანდელ დაწყებული კატასტროფული შედეგები დღეს, „შევარდნაძის ხელში“ კი არ გამოჩნდება, არამედ ცოტა გვიან, უკვე „სხვის ხელში“.

პარლამენტის დისკრედიტაციის მრავალფეროვანი კამპანია და მისი (ჯერჯერობით) დაგვირგვინება — პარლამენტის ფაქტობრივი დროებითი გარეგნა (და რა მოხდება იმ არდადეგების ორ თვეში, არ ვიცით) ფაქტობრივად დღის წესრიგში კვლავ აყენებს მწვავე თემას — ხელისუფლების თემას. ფაქტია, რომ საქართველოს მმართველ გუნდს დღეს არ ჰსურს ან არ შეუძლია:

- ა. სახელმწიფოს დაცვა გაჭურდვისაგან და მოსახლეობის დაცვა შიმშილისაგან;
- ბ. სახელმწიფოს დაცვა მავთების ბატონობისაგან როგორც ხელისუფლების აპარატის გარე (ეკონომიკური ცხოვრებაში, ქუჩაში), ისე თვით ხელისუფლებაში;
- გ. მოსახლეობისა და ეკონომიკური საქმიანობის დაცვა ძარცვისაგან და ადამიანთა სიცოცხლის ხელყოფისაგან;
- დ. შეთარაღებული ძალების შექმნა და სახელმწიფოს დაცვა მტრისაგან;
- ე. ადამიანისა და მოქალაქის ელემენტარულ უფლებათა დაცვა ადმინისტრაციული ძალადობისაგან;
- ვ. ქვეყნის დაცვა მასობრივი ემიგრაციისაგან, რომელიც ზემოაღწერილი ვითარების შედეგია.

ისიც ფაქტი გახლავთ, რომ სახელმწიფო წყობის ის სახე, რომელიც დღეს საქართველოში არსებობს, არადემოკრატიულია არა მარტო თავისი ფაქტობრივი განხორციელებით, არამედ თავისი იურიდიული ფორმითაც, უფრო მეტიც: იგი ანაქრონისტულად ავტოკრატიულია, თუნდაც იმით, რომ ერთი და იმავე პიროვნების ხელში თავმოყრილია როგორც კანონმდებელი, ისე აღმასრულებელი ხელისუფლების მეთაურობა და ეს პიროვნება ერთადერთია, ვისაც შეუძლია მინისტრთა კაბინეტის წევრების კანდიდატურათა წამოყენება; რომ სახელმწიფოს მეთაურს შეუძლია უმნიშვნე-

ლოვანესი გადაწყვეტილებების მიღება პარლამენტთან შემდგომი შეთანხმების გარეშე; რომ ქალაქებს აურჩეველი მერები განაგებენ, ხოლო რაიონებს — აურჩეველი ხელისუფალნი, ნაცვლად იმისა, რომ ჩატარდეს მუნიციპალური არჩევნები უკვე ვადავადსული საკრებულოების შესაცვლელად. იმ შემთხვევაშიც კი, რომ არ ხდებოდეს კანონის სისტემური დარღვევა სახელმწიფოს მეთაურისა და მისი გუნდის მიერ, რაც, როგორც ვიცით, აგრეთვე ფაქტია, სახელმწიფო წყობის ეს ფორმა, რაც დღეს საქართველოში არსებობს და ძალას იკრებს ქვეყნის საერთო დეგრადაციის ფონზე, შეიძლება დახასიათდეს მხოლოდ როგორც დიქტატურა, ამასთან — თუ გავითვალისწინებთ ზემოთქმულს — როგორც უძლიერი დიქტატურა, რომელიც დიქტატურის ყველაზე უარესი სახეა.

რაც შეეხება საქართველოს საგარეო პოლიტიკას, იგი არა მხოლოდ კაპიტულანტურია რუსეთის წინაშე, როგორც უკვე ვთქვით, არამედ, ფაქტობრივად, იგი რუსული პოლიტიკის გატარებაა ჩვენს რეგიონში, და არა საქართველოს სახელმწიფო ინტერესებისა, კენ მიმართული პოლიტიკა. „ესენგემი“ შესვლის აქტით, რომელიც, თავისი არალეგიტიმურობის მიუხედავად, ჯერჯერობით ბათილად აღიარებული არ არის, საქართველომ მოარღვია ჩვენი თავისუფლების დაცვის ყველაზე მტკიცე იურიდიული ზღუდე და იმპერიას გაუხსნა ჩვენი ქვეყნის კვლავ ხელში ჩაგდების იურიდიული გზა; რუსეთის ჯარის საქართველოში დგომის ნებადართვით საქართველოს ხელისუფლებამ მსოფლიოს ყველაზე სახიფათო და აგრესიული ზესახელმწიფოს სამხედრო ეტლს მიგება, ამავე დროს რუსეთის სპეცსამსახურებს ჩვენს ქვეყანაში შეუზღუდველი ანტიქართული აქტივობის საშუალება მისცა; რუსეთის აგრესიული როლზე თვალის დახუჭვით საქართველოს ხელისუფლებამ რუსეთს საშუალება შეუქმნა, ჩვენი დამოუკიდებლობის წინააღმდეგ მიმართული აგრესია საქართველოს შიგნით მიმდინარე ეთნიკური კონფლიქტის სახით წარმოეჩინა; დღეს, ეროვნული თავმოყვარეობის და ეროვნული ინტერესების სრული დათმობით, იგი ჩვენივე შინაგანი საქმეების არბიტრად რუსეთს იწვევს. ეს მართლმეტყველო პოლიტიკა უპერსპექტივოა ჩვენი ქვეყნისათვის, ვინაიდან ვერავითარი დათმობები ვერ აღდგინებს რუსეთს ნებით ხელს ჩვენი ქვეყნის უკიდურესი დაუძლეობისა და ფედერალიზაციის, ანუ მისი ფაქტობრივი სახელმწიფოებრივი დაშლის გეგმაზე, რის შედეგადაც საქართველო, მისი ჩანაფიქრით, აღარ უნდა

იყოს დაახლოებით იმავე პოტენცილის ქვეყანა, რაც მისი უშუალო მეზობლები — სომხეთი და აზერბაიჯანი — არიან.

რამდენადაც ვიცით, აფხაზეთში ლტოლვილთა დიდი ნაწილის დაბრუნება აფხაზეთის სტატუსის განსაზღვრამდე, ანუ დანარჩენი საქართველოსაგან აფხაზეთის იურიდიული მოწყვეტის თითქმის სრულ განხორციელებამდე, წინააღმდეგე. შევარდნაძისა და მისი ადმინისტრაციის მტკიცებისა, რეალურად არ შედის რუსეთის გეგმებში.

— ამავე დროს საქართველოს პოლიტიკის უნიციტატივობა და უნიათობა რუსეთის საშუალებას აძლევს, კავკასიის ხალხთა ენერგია ჩვენი ქვეყნის წინააღმდეგ მიმართოს, ნაცვლად იმისა, რომ ეს ენერგია ჩვენი რეგიონის თავისუფლების საერთო საქმეს ემსახურებოდეს.

ჩვენს ქვეყანას ობიექტურად მოეპოვება სხვა ალტერნატიული საგარეო პოლიტიკური კურსის შესაძლებლობა, სახელმძღვანელო რუსეთის წინაშე მოლაპარაკების სუბიექტად დგომის, მასთან, ისევე როგორც ყველა სხვა მეზობელ ქვეყანასთან, თანმიმდევრული და ურთიერთსასარგებლო პარტნიორობის კურსისა, რომლის დროსაც ყოველი დათმობა და შედეგითი ერთი პარტნიორის მხრივ გულისხმობს საპასუხო დათმობას და შედეგათს მეორე პარტნიორის მხრივ. ასეთი პოლიტიკის წარმატებული გატარებისათვის საქართველო არ საჭიროებს სამხედრო დახმარებას ან განსაკუთრებით ძლიერ დიპლომატიურ თანადგომას მსოფლიოს სარბიელზე რომელიმე დიდი სახელმწიფოს მხრივ. მისი (ამ პოლიტიკის) წარმატების გარანტიას იძლევა დამოუკიდებელი ქვეყნების თანაარსებობის თვით ის პრინციპები, რომლებიც დღეს აღიარებულია მსოფლიოს მიერ და რომელთა წინააღმდეგ სვლაც დღეს რუსეთის ინტერესებში არ შედის.

შევარდნაძისა და მისი გუნდის ზემოხსენებული საშინაო და საგარეო პოლიტიკის შეხამებას დღეს შემდეგი ზოგადი სქემა აქვს: ჯერ ხდება ესა თუ ის კატასტროფული მარცხი ჩვენს შინაგან პოლიტიკაში, შემდეგ ხდება წინადადების წამოყენება რუსეთის დაქვემდებარებისკენ კიდევ ერთი ნაბიჯის გადადგმის შესახებ იმ მოტივით, რომ „ჩიხში ვართ“. ასე მოჰყავს ეკონომიკური კრიზისის წინაშე უსუსტესი და ცუდი სოხუმის დაკეპის სვლა და ა.შ. შემდეგ ხდება წინადადება, რომ საქართველო ჩინის უპირატესობაშია და სწორედ შინაგანი ძალების დახმარებით უნდა მოგვიხსნის და რუსეთისაგან რომ საგარეო პოლიტიკის კაპიტულაციის გზა ვართო.

რუსეთის ჯარები ევზილოვას დაამყარებენ აფხაზეთში?

როცა 345-ე საპაერო-სადესანტო პოლკისა და რუსეთის ჯარების ამიერკავკასიის ჯგუფის ჯარისკაცები ოთხშაბათს შეუდგნენ რეკონოსცირების სამუშაოებს აფხაზეთ-საქართველოს საზღვარზე, ისინი წააწყდნენ არნახული რაოდენობის ნაღმებს ენგურის ორივე მხარეს. ზოგიერთი შეფასებით მათი საერთო რიცხვი 100 ათასს აღწერს. იგრძნობა, რომ აქ ნაღმები ჩაწყობილ იქნა დაუშურებლად. თანაც, როგორც წესი, დანაღმული ადგილების რუკა არ არსებობს, ნაღმები ჩაწყობილია უსისტემოდ, უთავბოლოდ. ამიტომაც, შეიძლება ითქვას, ენგურის განაღმვა მხოლოდ გუშინ დაიწყო.

სამშვიდობო ძალების შეყვანის ოპერაცია ხორციელდება ორ ეტაპად — 15 ივნისიდან ერთი კვირის განმავლობაში განხორციელდება ტერიტორიების განაღმვა. ორგანიზებულია სამი შტაბი: სოსუმში, გალში, ზუგდიდში, გადასროლილია გუდაუთაში დისლოცირებული 345-ე საპარაშუტო-სადესანტო პოლკის ერთი ბატალიონი და რუსეთის ჯარების ამიერკავკასიის ჯგუფის შემადგენლობიდან ორი ბატალიონი, რომლებსაც პატიოსნად რომ ვთქვათ, მთლად სამშვიდობო ძალებად ვერ ჩავთვლით, რადგან ისინი არ შედიან სსკ-ს სამშვიდობო ძალების კონტინგენტში. იმაზეც რომ არაფერი ვთქვათ, რომ სწორედ იქ, გუდაუთაში, აფხაზური ჯარები ღებულობდნენ მხარდაჭერას და ყველანაირ დახმარებას საომარი ოპერაციების მსვლელობისას. სამაგიეროდ იმისთვის, რომ ისინი დაეაყენოთ ენგურის ორივე მხარეს, ფედერაციის საბჭოს თანხმობა არაა საჭირო, რადგანაც ეს ჯარები უკვე ჩვენი საზღვრების გარეთ იმყოფებოდნენ. სამშვიდობო ოპერაციის მეორე ეტაპი დაიწყება 21 ივნისის შემდეგ, თუ ფედერაციის საბჭო თავის მხრივ სხდომაზე დააკმაყოფილებს პავლე გრაჩოვის დაუინებულ თხოვნას ჯარების შეყვანის თაობაზე. მაშინ 26 ივნისისთვის მდ. ენგურთან დამატებით გადაისვრიან ორ ბატალიონს ვილგისპირეთისა და ლენინგრადის სამხედრო ოლქებიდან. სამშვიდობო ოპერაციებს ხელმძღვანელობს თავდაცვის მინისტრის მოადგილე გენერალი გიორგი

კონდრატიევი. საინტერესოა, რომ პრესაში გამოქვეყნებული ინფორმაციები სამშვიდობო ჯარების ბატალიონების საერთო რაოდენობის შესახებ არ თანხვდება აქციაში მონაწილე სამხედროთა გამოცხადებულ რაოდენობას, — 2,5 ათასს. ამ რიცხვში, როგორც ჩანს, უნდა ჩაერთოს კიდევ 3 საპაერო-სადესანტო ბატალიონი, რომლებსაც გადაისვრიან ნოვოროსიისკიდან. ამ და 345-ე პოლკის ბატალიონს მიანდობენ ყველაზე დამაბულ მონაკვეთს, გალის რაიონს. კარგი იქნება, თუ მხოლოდ ეს იქნება საკმარისი, ვინაიდან უკვე დღესვე მუშავდება დამატებითი სტაციონარული სამხედრო ქალაქების აშენების შესაძლებელი ვარიანტი გაერთიანებული ერების ორგანიზაციის სქემის მიხედვით.

ყოველ შემთხვევაში, ანდრეი კოზირევა გაერთიანებული ერების ორგანიზაციაში განაცხადა: „აფხაზეთში ჩვენ არავითარ უცხოურ ჯარებს არ შეუშვებთ, — მხოლოდ ჩვენსას“. პირობები, რომელზეც მოაწერეს ხელი მხარეებმა, ზედმიწევნით მარტივია: ქართული მხრიდან ის ერთია: აფხაზეთში უნდა შეუშვან ლტოლვილები, რომლებსაც სურთ საკუთარ კერაზე დაბრუნება. აფხაზური მხრიდან კი სამი პირობაა: ჯერ ერთი, დაბრუნებაზე ნება მიეცემათ მხოლოდ იმ ლტოლვილებს, რომლებიც შეიარაღებულ კონფლიქტში არ იღებდნენ მონაწილეობას (ე.ი. ავტომატურად გამოირიცხება ყველა ის მამაკაცი, რომელსაც შეუძლია ომში მონაწილეობა და შესაბამისად, მათი ოჯახებიც). მეორე: ყველა მომავალ შეხვედრებსა და მოლაპარაკებებზე ქართული მხარე იღებს ვალდებულებას აფხაზურ მხარეს მიმართოს, როგორც დამოუკიდებელ სახელმწიფოს, მიმართოს მას, როგორც აფხაზეთის რესპუბლიკას და შესაბამისად, ყველა მომავალ შეთანხმებებზე ხელს მოაწერენ აფხაზეთის რესპუბლიკისა და საქართველოს რესპუბლიკის მთავრობების წარმომადგენლებმა. მესამე: საქართველომ უნდა გაიყვანოს სვანების პარტიზანული რაზმები, რომლებიც უკვე წელიწადზე მეტია დგანან გოდორის ხეობაში. სვანების მიმართ სინამდვილეში უფრო

დიდი პრობლემაა: ისინი, კაცმა რომ თქვას, ხეობაში იმიტომ ჩამოვიდნენ, რომ დაცვან თავიანთი მთის დასახლებები და გულუბრყვილობა იქნებოდა იმისი ლოდინი, რომ ისინი, ასე უბრალოდ დატოვებენ თავიანთ წმინდა საქმეს თბილისის ბრძანების მიუხედავად. უფრო მეტიც, ისინი გადაიქცევიან ერთგვარ მოჯახნელებად, ხოლო ხეობა იქცევა დაუმთავრებელი პარტიზანული ომების კერად წლების განმავლობაში.

ამასთან, ჯარების შეყვანაზე მეთვალყურეები იქნებიან საქართველოში გაეროს მისიიდან, რომლებიც არ ემორჩილებიან სამშვიდობო ძალების შესწავრებს და მოქმედებენ მათგან დამოუკიდებლად, თუმცა თავიანთი მოქმედების კოორდინაციას მოახდენენ მათთან და მოწინააღმდეგე მხარეებთან. გაეროს მეთვალყურეთა ფუნქციაში შედის 14 მაისის ხელშეკრულების შესრულებაზე თვალყურის დევნება, შეისწავლონ მისი დარღვევის ყველა შემთხვევა და შეეცადონ ამ სახის ყველა ინციდენტის გადაჭრას მოწინააღმდეგე მხარეებთან მჭიდრო კონტაქტში, გაუწიონ კონტროლი დაბრუნებული ლტოლვილების უსაფრთხოებას და რეგულარულად მოახსენონ გაეროს გენერალურ მდივანს, თუ რა ხდება კონფლიქტის ზონაში. ახლა იქ 55 მეთვალყურეა, მაგრამ აპირებენ კიდევ გამოგზავნონ და მათი რიცხვი 150 კაცამდე გაიზარდება.

ვარაუდობენ, რომ მას შემდეგ რაც კონფლიქტი საბოლოოდ „გაიყინება“, შეწყდება სამხედრო მოქმედებები და ისინი, ვისაც დაბრუნების ნებას დართავენ, დაბრუნდებიან, დადგება მოლაპარაკებების სტადია, რომლის დროსაც განისაზღვრება აფხაზეთის სტატუსიც. თუ გაუთვალისწინებთ იმას, რომ საქართველო დათანხმდა თავის ტერიტორიაზე რუსეთის ჯარების შემოსვლას, ამასთან წინასწარ იგადადგა აფხაზეთის უწოდოს აფხაზეთის რესპუბლიკა და ცნოს მისი დამოუკიდებელი სახელმწიფოებრივი სტატუსი, მოლაპარაკებების შედეგებისაგან განსაკუთრებულ მოულოდნელობებს არ უნდა ველოდით. აფხაზეთი მაინც დამოუკიდებელია და განდგება

ჩვენ, საქართველოს ეროვნულ-განმათავისუფლებელი მოძრაობის წარმომადგენლებს, ვაქვს როგორც ეკონომიკური მიზნებიდან გამოსვლის, ისე სტრატეგიული და დემოგრაფიული ჩიხიდან გამოსვლის კონკრეტული პროგრამა, რომელიც, რა თქმა უნდა, პირველ ყოვლისა, ყოველგვარი სახელმწიფოებრიობის ბირთვის — სახელმწიფო ძალისხმევის განმარტოვებული სახელმწიფო ორგანოების შექმნას გულისხმობს (ცხადია, კანონით გაუთვალისწინებელი ყველა შეიარაღებული ფორმირების დათხოვნის ჩათვლით). მაგრამ სწორი და ენერგიული პოლიტიკის გატარებას საქართველოს მიერ ანუ, უკვე პრაქტიკულად იგივეა, ქვეყნის გადამარჩენი პოლიტიკის გატარებას, სჭირდება ისეთ ადამიანთა გუნდი, რომლებიც თავისი ბიოგრაფიით და მდგომარეობით დამოუკიდებელი არიან რუსეთისაგან, რის გამოც მათ შეუძლიათ თავის მოქმედებაში მხოლოდ საქმის ინტერესებით იხელმძღვანელონ. ცხადია, რომ არც მინისტრთა კაბინეტის დღევანდელი შემადგენლობა, რომელსაც არ ძალუძს განახორციელოს ძალისხმევის ის მინიმუმი, რაც სჭირდება სახელმწიფოს მართვას, და — მით უმეტეს — არც სახელმწიფოს მეთაურის აპარატი — ამ საქმისათვის არ გამოდგება. აუცილებელია მმართველი გუნდის დაკომპლექტება ახალი ადამიანებით, ანუ ამ საქმისათვის იმ დიდი გონებრივი და ზნეობრივი პოტენციალის გამოყენება, რომელიც საქართველოს აქვს.

ამის მიღწევა შესაძლებელია ზედმეტი ხარჯის გარეშეც, წმინდად-სახელისუფლებო ღონისძიებებითა და, რა თქმა უნდა, იმის გათვალისწინებით, რომ დღევანდელ მწვევე ვითარებაში სახელმწიფო ხელისუფლებაში რადიკალური ცვლილებების უცხად მოხდენა, ქვემოთ ჩამოთვლილი ცვლილებები თანდათანობით, მაგრამ დაუყოვნებელი უნდა იყოს. სახელმძღვანელო:

ა) უნდა განხორციელდეს მმართველი სტრუქტურების, პირველ ყოვლისა — მინისტრთა კაბინეტის დაკომპლექტება ახალი ადამიანებით; კანდიდატურათა წამოყენების ინიციატივის უფლება უნდა მიეცეს არა მხოლოდ სახელმწიფოს მეთაურს და მთავრობის თავმჯდომარეს, არამედ პარლამენტართა ჯგუფებსაც და დარგობრივ უწყებებსაც.

ბ) უნდა მოხდეს სახელმწიფოს მეთაურის ერთპიროვნულ უფლებამოსილებათა შეზღუდვა, პირველ რიგში — მისთვის მიცემული ე.წ. საგანგებო უფლებამოსილებების გაუქმება.

ვინაიდან პრაქტიკამ გვიჩვენა, რომ ე.წ. გენერალის ერთპიროვნული მმართველობის ყოველი დღე სამკდრო-სასიცოცხლო ხიფათს წარმოადგენს საქართველოსათვის, კერძოდ, საქართველოს დამოუკიდებლობის იურიდიული შეზღუდვისა და ტერიტორიული დანაკარგების იურიდიული დაკანონების მიმართულებით, აუცილებლად მიგვიჩნია, რომ უცხად მინიმუმად უნდა შეიქმნას მინიმუმად ორი სახელმწიფო ორგანო, რომელიც პარლამენტის, მიუხედავად თავისი პირადი შემადგენლობის მთელი ნაკლოვანებისა, მაინც უნდა იქონიოს ლეგიტიმურ წარმომადგენლობით ორგანოდ რჩება.

დღევანდელი ორგანო რჩება.

თუმცა სახელმწიფოს მეთაური არა თუ გვერდს უვლის კანონს, არამედ ძალადობას ახდენს კანონზე თავის ადმინისტრაციულ შესაძლებლობათა გამოყენებით, რითაც თავს კანონის გარეშე აყენებს, მაგრამ მაინც (მაგალითად, მოლაპარაკებას აწარმოებს რუსეთისათვის სამხედრო ბაზების მიცემაზე, როცა არსებობს პარლამენტის დადგენილება საქართველოდან რუსეთის ჯარის 1995 წლის ბოლომდე გაყვანის შესახებ, ქმნის პარტიას, როცა კანონი პარტიაში ყოფნას უკრძალავს, ავალუბს თავის რწმუნებულს ყენვევაში ხელი მოაწეროს შეთანხმებას ისეთ თემზე, რომელზედაც მას თვითონაც არა აქვს გადაწყვეტილების მიღების უფლება, რადგან ეს საკონსტიტუციო თემა და სხვა) გასათვალისწინებელი გახლავთ ჯერჯერობით დაუზუსტებელი ინფორმაციები: რომ რუსეთის გარკვეულ ძალებს გეგმად აქვთ, სხვა ღონისძიებებთან ერთად, შევარდნაძის მოცილება საქართველოს მართვისაგან და მისი ხელისუფლების გადაცემა თავისი არა ნაწილობრივ, არამედ აბსოლუტურად მორჩილი ადამიანების ჯგუფისადმი. ამიტომ უნდა მოვუწოდოთ კოლეგა-პარლამენტარებსაც და პოლიტიკურ ჯგუფებსაც განსაკუთრებული სიფხიზლისაყენ და ხაზი უნდა გავუსვათ იმას, რომ ჩვენს წინამდებარე მსვლელობაში არ არის შევარდნაძის გადადგომის მოთხოვნა, არამედ მხოლოდ მისი ძალაუფლების ერთპიროვნულობისა და უკონტროლობის აღკვეთის მოთხოვნა. ჩვენ მიგვიჩნია, რომ საქართველოს მართვის მექანიზმში არც ერთი წუთით და არც ერთ წერტილში არ უნდა გაჩნდეს ვაკუუმი, რათა იგი ან მოწინააღმდეგის აგენტურამ არ შეავსოს ან მისმა არსებობამ მართვის პროცესი არ დაზარალოს, ამიტომაც საჭიროდ მიმაჩნია ჯერ ქმედითი და სანდო პირადი შემადგენლობის შეჩვენა მმართველი სტრუქტურებისათვის, მინისტრთა კაბინეტის ჩათვლით, და მხოლოდ შემდეგ — ამ ორგანოთა არსებულ პირად შემადგენლობაზე მთლიანად ან ნაწილობრივ უარის თქმა.

საქართველოს აქვს იმის გონებრივი, სულიერი და, ნაწილობრივ, პროფესიული პოტენციალი, რომ თავისი თავი მართოს. იმ ადამიანთა დიდი ნაწილის ყოფნა ქვეყნის სათავეში, ვინც იქ დღეს არიან, სხვა არა არის რა, თუ არ კომიკური ანაქრონიზმი და მისი კომიზმი მაშინვე გამოჩნდება მთელი სისრულით, როგორც კი ისინი სხვა, უკეთესებით შეიცვლებიან, ამ უკეთესების მოქმედებაზე და საქმეში ჩაბმაზეა დღეს დამოკიდებული ჩვენი ქვეყნის ბედი.

ამ თემასთან მჭიდროდაა დაკავშირებული ახალი საპარლამენტო არჩევნების თემა. ასეთი პარლამენტი, დღეს რომ გვაქვს, საქართველო ვერ დაკმაყოფილებდა. ვერც იმგვარი წითელი პარლამენტი, რომლის შექმნასაც უკვე თითქმის ბოლომდე რესტავრირებული კომუნისტური ხელისუფლება გეგმავს თავისი უკანონოდ შექმნილი „მოქალაქის“ შემწეობით. ახალი, დარსულად პარლამენტის არჩევნის ამოცანაც სხვა არაა, თუ არ იმ პოტენციალის მოძიება, რომელიც არჩევნების კანონიერად ჩატარების მიმე ამოცანა.

კონფრონტაციის ტენდენციები

მეზუთე გვერდიდან

დამოუკიდებელი სახელმწიფო, რაც შეიძლება ჩაითვალოს ამიერკავკასიაში რუსეთის მშვიდობისმოყვარე პოლიტიკის დიდ გამარჯვებად, რომელიც მხოლოდ და მხოლოდ, „ნაციონალური ინტერესებისთვის“, უნდა ითქვას, ტიპურად იმპერიული ზრახვებისთვის ტარდება. მაგრამ მხოლოდ ამით საქმე არ დამთავრდება. ის ხელშეკრულებები, რომლებსაც ხელს მოაწერს შევარდნაძე, არანაირად არ აიძულებს თვითონ ქართველებს ჩათვალონ აფხაზეთის მიწა სხვა სახელმწიფოს ტერიტორიად, ადრე თუ გვიან ისინი იქ მაინც დაბრუნდებიან. მაგრამ იმ დამცირებებში, რომლებსაც ისინი დღეს ითმენენ, დამნაშავედ რუსეთს ჩათვლიან, რაც, როგორც ჩანს, ვერა მშვიდობისმოყვარე პოლიტიკის წარმატებებს უნდა მივათვალოთ.

იულია კალინინა
დირიგირი ხოლოდოვი
გაზეთი „მოსკოვსკი კოსმოპოლიტი“
№115, 1994, 17 ივნისი

რედაქციისათვის:
როგორც ამ სტატიიდან ჩანს, რუსეთშიც არიან ძალები, რომელთაც ცოტა არ იყოს, ეჭვი ეპარებათ რუსეთის სამშვიდობო მისიასში. მეტიც, წერილის ავტორები თვითონვე ააშკარაებენ რუსეთის იმპერიულ ზრახვებს. ამასთან, წერილში მოყვანილი ინფორმაცია იმის შესახებ, რომ თითქოს ქართული მხარე დათანხმდა იმაზე, რომ მომავალში მოლაპარაკებებს აწარმოებს აფხაზურ მხარესთან, როგორც დასოუკიდებელ სახელმწიფოსთან, გვაფიქრებინებს, რომ იგი შეგნებულადაა შემოღებული ჩვენს გასაღიზიანებლად, რადგანაც დაუჯერებელია ჩვენი მთავრობა ამას დათანხმებოდა. ყოველ შემთხვევაში, ყველანაირ ეჭვებს ამ საქმეში ჩახედულ კომპეტენტურ პირთა პასუხი მოხსნის.

ვფიქრობთ, ისინი ვალდებული არიან უპასუხონ ამ კითხვებს ინფორმაციის ნებისმიერი საშუალებებით.

ათაული წლების განმავლობაში დამკვიდრებული მანკიერი ტენდენციით ყველაფრის საზომი ცენტრიდან წამოსული აზრები და იდეები განვლდა. ასე მაგალითად, დაიწერებოდა რაიმე დედაქალაქის გაზეთში რევიონზე და მასზე პასუხის გაცემა გამორიცხული იყო, ამის სურვილიც კი არ არსებობდა. მაგალითად ღმერთს დღეს ეს ტენდენცია დამღეულია. სამაგიეროდ თავი იჩინა არანაკლებ მანკიერმა ტენდენციამ: ძალიან ხშირად რევიონში ჭეშმარიტება საკუთარი არმინით იზომება და არც თუ იშვიათად მათ ზურგს უმაგრებენ ცენტრალური რესპუბლიკური გაზეთებიც. ამ კონკრეტულ შემთხვევაში მხედველობაშია აჭარის თემის მოძალბა ცენტრალურ პრესაში. ბევრი საჭირო და აუცილებელი ინფორმაციების პარალელურად ადგილი აქვს ყოვლად უსაფუძვლო და უმისამართო ბრალდებებს, რომელთა თანახმად თითქოსდა ვინმე ტალახს ესროდეს აჭარას, აჭარას სხვაგან ყურებას სწამებდეს და ა.შ. სამწუხაროდ მსგავსი აზრების შემცველ პუბლიკაციათა ავტორებს შორის არც თუ იშვიათად გვევლინებიან ცნობილი პიროვნებები.

ამ მითქმა-მოთქმის საფუძველი კი განვლავთ არაერთგვაროვანი დამოკიდებულება აჭარის ავტონომიური რესპუბლიკის ხელმძღვანელის პოლიტიკური კურსისადმი. მაგრამ, რაგინდ უმართებულოც არ უნდა იყოს ერთი პიროვნების კრიტიკა, თუნდაც ეს იყოს რევიონის ხელმძღვანელი, ამის გაიგივება რევიონის კრიტიკასთან, მისი მოსახლეობის შეურაცხყოფასთან, მხოლოდ გაუგებრობა არაა, მითუმეტეს, რომ აჭარის ხელისუფალის პოლიტიკურ კურსს ამართლებს და არსებითად მხარს უჭერს საქართველოს ხელისუფლებას, საპარლამენტო უმრავლესობა... ბათუმში ჩასული ქართული კულტურის მოღვაწენი საჯაროდ იწონებენ აჭარის ხელისუფლების კურსს, ხოლო საქართველოს საინფორმაციო საშუალებები ძალღონეს არ იშურებენ ამ ხელისუფლების საქმიანობისათვის სასურველი იდეოლოგიური ფონის შესაქმნელად.

ისიც უნდა ითქვას, რომ აჭარის მიმართ საყოველთაო დადებითი განწყობაა სხვადასხვა და მათ შორის სამეცნიერო წრეებშიც. ამასთან დაკავშირებით ერთ ფაქტს გავიხსენებ. მიმდინარე წლის ივნისის თვეში ფრიალ მინიშნელოვანი რამ მოხდა აჭარის ცხოვრებაში — აჭარის ოთხმა შეილმა დაიცვა მეცნიერებათა დოქტორის სამეცნიერო ხარისხი. დაცვები მაღალ დონეზე ჩატარდა და როგორც თბილისის ივანე ჯავახიშვილის სახელობის სახელმწი-

ფო უნივერსიტეტში, ისე ტექნიკურ უნივერსიტეტში, სადაც დაცვები შედგა, კიდევ ერთხელ გამოძღვანდა თბილისის სამეცნიერო საზოგადოების უდიდესი პატივისცემა და სიყვარული როგორც აჭარის, ისე მისი შეილების, ამ კონკრეტულ შემთხვევაში დისერტანტების მისამართით. ერთერთი დაცვის შემდეგ კი ცნობილმა მეცნიერებმა ილაპარაკეს ბათუმში მეორე მათემატიკური ცენტრის ჩამოყალიბების პერსპექტივაზე და ამ შემთხვევაში ძირითად დასაყრდენად იგულისხმებოდნენ აჭარაში აღზრდილი და ამჟამად საქართველოს სხვადასხვა სამეცნიერო ცენტრებში მოღვაწე მრავალრიცხოვანი მათემატიკოსები, რომელთაც ხელეწიფებათ ბათუმში გაუძღვენ კიდევ ერთ მძლავრ მათემატიკურ კერას საქართველოში.

ასე რომ, რაც ითქვა იმის ფონზე ზოგიერთების კრიტიკული დამოკიდებულება აჭარის ხელისუფლების საქმიანობაზე საერთო ვითარებას ვერ შეცვლის და ამის გაზვიადება ყოვლად გაუპართლებელიცაა და საშიშიც, რადგანაც ამგვარი გამოხსოვები საბოლოოდ კონფრონტაციისათვის ნოყიერ ნიადაგს ამზადებს. საკითხავია ისიც, რომ ასეთი სასიკეთო განწყობის მიუხედავად, ვის რაში სჭირდება და ვის აძლევს ხელს მტრის ხატის ძიება დედაქალაქში ერთი მხრივ და თავის მართლება მეორე მხრივ.

ჩვენს მიერ მონიშნული საშიში ტენდენციები არაერთ პუბლიკაციაშია გამოვლენილი, რომელთაგან განსაკუთრებული ადგილი კორესპონდენტ გია ჭვლიძის ბათუმურ კორესპონდენციებს უკავია. გ. ჭვლიძე, მისივე სიტყვებით თუ ვიტყვი, ბათუმში „ჭეშმარიტების სადარჯოდაა“ ჩასული და „არა ფლავის საჭმელად“ (ასეა, როცა საყოველთაო დამშველობის ჟამს საკუთარ კერას მოწყობები და შედარებით ხელუხლებელ მხარეში გადაბარდები, ამისათვის ზოგჯერ თავის მართლებაც დაგჭირდება). „ჭეშმარიტების დარჯობისას“ კი ის, ისე ხშირად და გადამეტებულად ცდილობს სიყვარულის დამტკიცებას აჭარისადმი, რომ გარკვეულად ეჭვიც ვებადება ამ სიტყვების გულწრფელობაში (მოვესხენებათ: ჭეშმარიტ სიყვარულს მალვა ამშვენებს!).

სწორედ გ. ჭვლიძის მრავალრიცხოვანი პუბლიკაციებშია გამოვლენილი ცენტრსა და რევიონებს შორის, თვით რევიონებსა და საქართველოს ქალაქებს შორის დაპირისპირების ტენდენციები (თბილისი-აჭარა, აჭარა-საქართველოს სხვადასხვა კუთხეები, ბათუმი-ფოთი) და ცინიკური დამოკიდებულება საქართველოს წარსულისადმი (ჩვენ ის ხალხი ვართ, რუსთავე-

ლი რომ გავაძევეთ საქართველოდან; თამარ მეფე საქართველოს ფარგლებს გარეთ დავასაფლავეთ იმის შიშით, რომ ვინმეს საფლავი არ ამოეთხარა; სულხან-საბა წვერებით ვათრეთ და ილიას შუბლში ჭყვია დავასალეთ).

ამავე ავტორის პუბლიკაციებიდან გაისმის პროვოკაციული და დემაგოგიური ინფორმაციები ზუთი ათასი აჭარელის თათრობის ნიშნით გამოძევებაზე საქართველოს სხვადასხვა რაიონებიდან, აჭარის წინააღმდეგ თბილისში წარმოებულ ფარულ ომზე, ბათუმის მეჩეთიდან ასაფეთქებელი მასალის ამოღებაზე და სხვა.

ვიტყვი იმასაც, რომ გ. ჭვლიძე ბევრს იღებს თავისთავზე და თავის წერილებს ასათურებს ილიასა და მურმან ლებანიძის წამბაძველობით: „როცა მეჯინისწყალთან საქართველოს ვეძებთ...“ და მეც ვვიფიქრო აჭარა ჩემი! ანუ ასე ვერ გავფრინდებით!“. მკითხველის ყურადღებას შევაჩერებ ლებანიძისეულ სტილით დასათაურებულ წერილზე („საქართველოს რესპუბლიკა“, 21 ივნისი, 94წ), სადაც მთელი სიგრძე-სიგანი-თაა გამჟღავნებული ზემოაღნიშნული საშიში ტენდენციები.

ამ წერილში ავტორი მკითხველს მოუხსნობს იმ „ფარულსა“... „დამოუცხადებელ“ ომზე, რასაც თბილისიდან ეწვიან აჭარაში დამკვიდრებული ცხოვრების წესის გამო, (რათქმა უნდა იგულისხმება მისაბადი ცხოვრების წესი). წერილში საუბარია ათასობით „რეჟიმ-გრიზებულ“ (სიტყვაც და ბრჭყალებიც გ. ჭვლიძეს ეკუთვნის) აჭარლებზე, რომელთაც ასე „ვერ უძმო დანარჩენმა საქართველომ“.

ადგილობრივი ხელისუფლება დიდადაა შეწუხებული იმით, თუ როგორ მოუაროს საქართველოს სხვადასხვა რაიონებიდან მობრუნებულ აჭარლებს. საკუთრივ აჭარელი, როგორც ამას შენიშნავს წერილის ავტორი, არ გეტყვის იმას, რაც ყველაზე მეტად ტკივა, მაგრამ თუ ჩააცივდები, მაშინ... ჰოდა გ. ჭვლიძეც როგორც ჩანს ჩააცივდა მათ და აი რა ათქმევინა და რა გამოიტანა მკითხველის სამსჯავროზე ცენტრალური გაზეთის გვერდებიდან: „ერთ დღეს, ავტობუსში შეგვეარეს, წამოგვიყვანეს, აქ ჩოლოქიან ჩამოგვეარეს და ასე გვითხრეს; — მობრძანდით ახლა თქვენს სათათრეთშიო. ზოგან სახლებზეც გაგვიკრეს ასეთი მოთხოვნები“ (სტილი დაცულია). ავტორი თავს იკატუნებს — დიდხანს ვიფიქრე გამოძეტანა თუ არა საჯაროდ ეს ფაქტი, მაგრამ რახან ეს ერთეული შემთხვევა არ განვლავთ, ამიტომაც გადავწყვიტე ამის ხმამაღლა თქმაო. ყველაფერი ეს თუ სიმართლეს

შეესაბამება, საქმე ბევრად უფრო სერიოზულია, ვიდრე ეს პუბლიკაციის ავტორს წარმოუდგენია. ასეთი საგანგაშო ცნობის მოწოდებისას აუცილებელი იყო კონკრეტული მითითებაც, სხვა შემთხვევაში ეს ამბავი მტკნარ სიცრუედ და წინასწარ გამიზნულ ქმედებად უნდა ჩაითვალოს.

გ. ჭვლიძე წერილში გვაწვდის ზუსტ ინფორმაციას, თუ რამდენი კაცი გამობრუნდა ჩვენს სახლების ადგილიდან — საქართველოს სხვადასხვა რაიონებიდან (ახალქალაქი, აბაშა, გორი, მარნეული, ზობი, ხონი, ზუგდიდი, ჩხოროწყუ...) და თავის მიერ რიტორიკულად დასმულ კითხვაზე — „რა დგას ამ ციფრების უკან?“ თვითონვე პასუხობს ასევე რიტორიკულად: „ჩვენი ბედოვლათობა, მოღალატეობა, ყველაფერი, რამაც ამ ბოლო დროს შინაგანად გაჰყო და დაანაწევრა საქართველო“.

არადა, საკუთრივ უკანმობრუნებული აჭარლები, როგორც ეს ამავე წერილიდან ჩანს, ამაში არაფერს ადანაშაულებენ, ძალიან კარგად ხედავენ, რომ საქართველო საყოველთაო გაჭირვებას მოუცავს და ერთმანეთისათვის აღარ სცალიათ. სამაგიეროდ თავისი ყურით გაგონილისა და ჩაწერილის ჯიუტად არ სჯერა გ. ჭვლიძეს და ამ ფაქტში მხოლოდ მოღალატეობას და „დანარჩენი საქართველოს“ უსულგულობას ხედავს. სხვა თუ არაფერი, ამ დროს საყვედური უთხრა სამეგრელოს რევიონის რაიონებს — აჭარლებს რატომ ვერ უპატრონეთო და მათ ამ საკითხთან დაკავშირებით მოღალატეობა და სწამო, გასაგები მიზეზის გამო, მკრეხელობაზე მეტია!

წერილის საერთო ტენდენციის გამოხატულებაა შუახვეული დარბაისელი კაცის „ნათქვამი“, რომელსაც გ. ჭვლიძესთან რატომღაც თავის მართლება დაუწვია აჭარის მძიმე წარსულის გამო და როგორც ჩანს ისევ კორესპონდენტის ჩაცვივების გამო თითქოსდა ისიც უთქვამს, რომ დადიანები და გურიელები ქალ-გაყვებს ყიდდნენ სტამბულის ბაზარზეო. თუ ეს მართლა თქვა შუახვეულმა კაცმა, წესითა და რიგით კორესპონდენტს ტაქტიანად უნდა შეესხენებინა, რომ ამ საქმეში მეტად თუ ნაკლებად ყველა კუთხე სცილავდა და მათ შორის აჭარაცო. ნურას უკაცრავად! გ. ჭვლიძე კვერს უკრავს შუახვეულ „დარბაისელს“ და ყველა ვარაუდით კორესპონდენტის ინიციატივით შეთხზულ ამ პასაჟს თვით იმ „დარბაისელისათვის“ შეურაცხმყოფელი დასკვნით ამთავრებს: „აი, ბუმერანგის ეფექტი: ხედავთ რას ამბობს დარბაისელი აჭარელი კაცი — სად ჩამერა, რა მიქქე-მოქქეა, რა მოიძია და რა ფაქტებით შეი-

გვიტია? რა — არ არის მართალი? (ხაზი ჩემია — მ.მ.)

კითხველო, იქნებ მე მეჩვეა რამე? არ არის ეს ფრაზები დამაფიქრებელი? მტერიც კი გერ მოიფიქრებს ასე მარჯველ ქართველების გადაკიდებას, როგორც ამას აკეთებს ამ წერილში კორესპონდენტი გ.ჭელიძე. ამასთან ერთად, სიმართლეც რომ იყოს, განა საჯაროდ გამოსატანია აჭარლების თათრობის ნიშნით გამოძევების ამბავი, მეჩეთში ჩადებული ტროტკის ფაქტი და სხვა მრავალი ამისთანა? ან შუახვევლ კაცს რაღას ერჩოდა? გაგონილა, რომ დარბაისელი სადღაც „გვრებოდეს“, რაღაც-რაღაცს „ქეჟავდეს“ და აქეთ გიტყვდეს? წესითა და რიგით ამ ცრუ ინფორმაციების ავტორს პასუხი უნდა მოეთხოვოს, მაგრამ ვინაა გამკითხავი!

რაც შეეხება 1989 წლის აპრილის თვეში აჭარაში ჩამოწოლილი მეწყერის საფუძველ-

ზე აჭარელთა გადასახლებას საქართველოს სხვადასხვა რაიონებში, ამის თაობაზე ადრეც დაგვიწერია და ახლაც გავიმეორებთ: მაშინ ყველაფერი ვერ იქნა სწორად გათვლილი და გადასახლებულთა რიგებში ბევრი სხვა მიზეზების მქონეც აღმოჩნდა. მაშინ, როცა ნამდვილ დაზარალებულთაგან ბევრი დღესაც ბათუმის პანსიონატებშია მიმოფანტული. ამის მიუხედავად იმ დროს თითქმის შეუძლებელი გაკეთდა და ასეულობით სახლი იქნა შესყიდული და აშენებული აჭარლებისათვის, რომლებშიც დამკვიდრდნენ ჩასახლებულები, და ეს პროცესი გრძელდება დღესაც. ცნობილი ამბების გამო დღეისათვის მშენებლობები შეჩერებულია და რა შუაშია აქ ბედოვლათობა და მოღალატეობა. იყო შემთხვევები და ამის შემსწრე თვითონ გახლავართ, რომ აშენებულ და გამოყოფილ სახლებში არ ჩამოვიდნენ აჭარიდან. კახეთის

ზოგიერთი, მაგ. საგარეჯოს რაიონის ხელმძღვანელობას ძალღონე არ დაუშურებია, რათა ეს სახლები არ დაეკავებინათ ადგილობრივებს. ზოგიერთ შემთხვევაში პარლამენტარების ჩართვაც დაგვიჭირდა დაკავებული სახლებიდან ადგილობრივების გამოსასახლებლად.

ამ დროს კი ბათუმში „ჭეშმარიტების სადარაჯოდ“ ჩასული „ნაღდი თბილისელი“ (ასე რომ მოაქვს ამით თავი!) — გ.ჭელიძე ზის საკორესპონდენტო პუნქტში და ამ საკითხთან დაკავშირებით ურწმუნო თომასავით თხზავს ზღაპრებს ქართველთა უსულგულობაზე, მოღალატეობაზე და ა.შ. რაც, ვიმეორებთ, ქართველთა შორის კონფორტაციას თუ წაადგება მხოლოდ. ამას კი სხადის კაცი, ვინც გამუდმებით სხვას უკიჟინებს საჯაროდ აჭარისადმი აღმაცერად ყურებისათვის. ხსენებული წერილის პრეა-

მბულაში გ.ჭელიძე ყოველად გაუგებარ პარალელს ავლებს რადენიმე ხნის წინანდელ აფეთქებად საშიშ აფხაზეთსა და დღევანდელ აჭარას შორის. მაშინ აფხაზეთში არ ისროდნენო, „დღეს არც აჭარაში ისვრიან...“, „მაგრამ არავინ იცის იმ ფარული, გამოუცხადებელი ომის შესახებ, დღეს ზოგიერთ ურწმუნოს რომ აქვს გაჩაღებული აჭარის, აქ დამკვიდრებული ცხოვრების წესის წინააღმდეგ“. თუ ზოგიერთი ურწმუნოს ეს პოზიცია ავტორს საფუძველს აძლევს აღნიშნული პარალელის გაკეთებისათვის, მაშინ თავიდან ბოლომდე ვალბი ყოფილა მისივე მრავალრიცხოვანი პუბლიკაციების პათოსი აჭარაში საიმედო სტაბილურობაზე.

გ.ჭელიძეს, არც ამ ბოლო ხანებში ერთობ განმარტებული — ბათუმის თავისუფალ ეკონომიკურ ზონად გამოცხადების საკითხი დაევიწყებია, მაგრამ ამ საკითხზე მისი მსჯელობანი იმ-

დენად ზედაპირული და უსუსურია, რომ არც ღირს მათზე შეჩერება.

დასასრულს შევნიშნავთ, რომ როგორც საქართველოს, ისე კერძოდ აჭარის ხელისუფლების პოლიტიკის მხარდამჭერი ოპოზიციას ბრალს სდებენ კონფორტაციაში, ურთიერთდაპირისპირებასა და სხვა მსგავს მოვლენებში. მაგრამ რატომღაც ავიწყდებათ მათი მხრიდან ამ კუთხით წარმართული საქმიანობა. ამის თაობაზე თავის დროზე დროულად წერდა ბ-ნი რევაზ ჯაფარიძე, მაგრამ სამწუხაროდ ამით ეს პროცესი არ შენელებულა. გ.ჭელიძის ბათუმური კორესპონდენტების ძირითადი პათოსი ამ საშიშო ტენდენციების თვალნათლივი გამოხატულებაა და მათდამი წაყრუება სიკეთეს არ მოგვიტანს.

მიხეილ მახარაძე

ინტერვიუ

შალვა ნათელაშვილი: იდეალური პანონი ჩვენთან არ იმუშავებს

შალვა ნათელაშვილი — საქართველოს პარლამენტის იურიდიული კომისიის თავმჯდომარე. მისი ინიციატივით ამ ბოლო ხანებში პარლამენტმა არაერთი კანონი მიიღო. მათ შორისაა კანონი ცუცხლსასროლი იარაღის შესახებ, რომელიც მიღების დღიდანვე საზოგადოებაში მწვავე დისკუსიების საგანი გახდა. დღეს შალვა ნათელაშვილი საპარლამენტო უმრავლესობის წარმომადგენელია, თუმცა ბევრისათვის მისი არჩევანი ახლაც გაუგებარია.

რაც გამოიხატება დისიდენტური მოძრაობის დისკრედიტაციაში. თანამედროვე, მჭიდროდ ინტეგრირებულ მსოფლიოში ყველა რევოლუციური პროცესს ამზადებს ისტორია. ამისათვის მას სჭირდება შესაბამისი პიროვნებებიც. აქედან გამომდინარე დისიდენტურმა მოძრაობამ გარკვეული როლი ითამაშა არსებული წყობის მორყევაში და არა დაშლაში. კარგი დისიდენტი ვერ კიდევ არ ნიშნავს კარგ სახელმწიფო მოღვაწეს, ისევე როგორც ვარსკვლავი ფეხბურთელი ვერასოდეს ხდება ვარსკვლავი მწვრთნელი. კლასიკურია ამ გავებით მაპატმა განდი, რომლის ფილოსოფიას და საქმიანობას დაეყრდნო ინდიეთის დამოუკიდებლობისათვის ბრძოლა და გამარჯვება, მაგრამ როდესაც მას შესთავაზეს ქვეყნის ხელმძღვანელობა, მან ქუჩაში ხალხთან დარჩენა არჩია.

— ამ მხრივ, ალბათ, გამოჩალიკა ვაცლავ ჰაველი?

— მანაც ვერ შეინარჩუნა ჩეხოსლოვაკიის ერთიანობა. თუმცა მე არ გამოვირიცხავ, რომ კარგი დისიდენტი შესაძლებელია იყოს კარგი სახელმწიფოს მმართველიც. ჩვენთან ისე დღეს მოქმედი ბევრი პარტიები იყენებენ ფსქოლოგიით აზროვნებენ. ბევრი კი მართლა გადაეწყო ახალ ისტორიულ პროცესებზე.

— ბატონო შალვა, თქვენ დღეს საპარლამენტო უმრავლესობის წარმომადგენელი ხართ. რამ განაპირობა თქვენი არჩევანი?

— პირველ რიგში, მე ვიცი, რომ ჩემი ამომრჩევლების უდიდესი ნაწილი მხარს უჭერს ედუარდ შევარდნაძეს. საქართველოში იმ ეტაპზე არჩევნები ულუოდ ჩაიშლებოდა, იქ რომ არ ყოფილიყო დასახლებული ედუარდ შევარდნაძის კანდიდატურა. ამ ფაქტორის გათვალისწინებლობა გამაორცხლებელია.

მეორეც, მე ღრმად მჭამს, რომ მიუხედავად გარკვეული შეფერხებებისა, დღეს მხოლოდ შევარდნაძეს შეუძლია გაიყვანოს საქართველო იმ

მეჩივიდან, რომელზედაც ჩვენ იგო შევადგეთ. ბევრს სჯერა, რომ წინა ხელისუფლება სივრცე და კიტოვანმა დაამხეს. მაგრამ ეს ასე არ არის. ის მთავრობა ხაერთაშორისო იზოლაციაში დააშო და ამ იზოლაციიდან ვერ კიდევ გამოსული არა ვართ. სახელმწიფოს მეთაური დღეს თუნდაც ამიტომ შეუცვლელია. აქვე ისიც უნდა ითქვას, რომ ხშირად საკითხი არასწორად დასმული — მე მიყვარს სახელმწიფოს მეთაური, თუ არ მიყვარს. შეიძლება პარტის სცემდე მას ან არ სცემდე, იზიარებდე მის კურსს ან არ იზიარებდე — ასე უნდა დადგეს სახელმწიფოებრივი საკითხი. სიყვარული ეს უკვე პიროვნული პრობლემაა და იგი საზოგადოებას თავს არ უნდა მოეხვიოს.

და ბოლოს, ჩემის აზრით დღეს ქვეყნისათვის ბევრად უფრო მომგებიანია პოზიციაში საქმიანობა, ვიდრე ოპოზიციაში.

— იყო თუ არა თქვენს პრაქტიკაში ისეთი შემთხვევა, როდესაც თქვენი პოზიცია რაიმე საკითხის შესახებ დასკოლდა უმრავლესობის შეხედულებებს?

— მე შემძლია მთელი პასუხისმგებლობით განვიცხადო, რომ არ ყოფილა არცერთ შემთხვევაში სახელმწიფოს მეთაურის მხრიდან, როდესაც მას კატეგორიულად დაუსვამს საკითხი: ეს ასეა და ასევე უნდა გავიდესო. ვერც ისეთ ფაქტს აღვნიშნავ, როდესაც გადაწყვეტილების არასწორობა დაეუბნებოდა და არ გაიზიარა.

— ასეთი უამრავი შეიძლება დავისახელო, ყველა არ მახსოვს. მაგალითად, იარაღის შენახვის აუცილებლობაზე — მან ეს გაიზიარა. იგივე შეიძლება ითქვას ორმაგი მოქალაქეობის დაუშვებლობის შესახებ.

უმრავლესობაც არაერთგვაროვანია, ისევე როგორც ოპოზიცია, მაგრამ მე არ მახსოვს, რომ რაიმე საკანონმდებლო საკითხის აქტიური წინააღმდეგი ვყოფილიყავი და ის გასულიყო სესიაზე.

— რას იტყვით გავრთიანებულ

რესპუბლიკური პარტიის შექმნის შესახებ — ეს ის პროცესია, რასაც ჩვენ საზოგადოება გარდაუვლად საჭიროებს. თუ არ წავადა პოლიტიკურ ძალთა გამსხვილების პროცესი, ჩვენ ვერც ერთ საშინაო თუ საგარეო პრობლემას ვერ გადავჭრით, თვით შამაზეციერაც რომ ჩამოვიდეს. ამიტომ მე მივესალმები ამ გავრთიანებას, მითუმეტეს, რომ მასში ბევრი ჩემი ლირსული კოლეგაა წარმოდგენილი, რომელთა პოლიტიკურ შეხედულებებს მე შესაძლოა არ ვიზიარებდე, მაგრამ ჩვენ შესანიშნავად ვმუშაობთ ერთად.

— ბატონო შალვა, რაც შეეხება იარაღის კანონს თუ კაცს ექნება იარაღი სახლი შენახვის უფლებით, ეს იარაღი ხომ ქუჩაშიც მოხვდება. ეს ყველაფერს ნათელია.

— ამას მოჰყვება იარაღის ჩამორთმევა, კონფისკაცია და იმ პირის პასუხისმგებლობა მიცემა, ვინც იარაღი გაფორმებულია. იარაღი ისედაც ბევრი იყო ქუჩაში, ხოლო როცა იგი არ არის რეგისტრირებული, არც პასუხისმგებლობა არსებობს. სხვათაშორის, ჩვენი კანონი ძალზე მოეწონათ ამერიკელებს, რუსებს, სნგლებს, ფიქრობენ პრაქტიკაში გამოყენებასაც.

— როგორ ფიქრობთ, საქართველოს სნგ-ში გაწვევრიანების შესახებ სახელმწიფოს მეთაურის განცხადება იყო გაკეთებული გამომდინარე მისი შეხედულებებიდან საქართველოს რეალურ ინტერესებზე, თუ ეს იყო გარკვეული ხანგრძლივი წყნობის შედეგი?

— რომ არა სნგ-სთან შეერთების გადაწყვეტილება, მე ღრმად მჭამს, რომ საქართველოში დატრიალდებოდა ისეთი ტრაგედია, როგორც მას მთელი თავის ისტორიის მანძილზე არ უნახავს. მე მგონი ამით ყველაფერია ნათქვამი.

— უფრო ზუსტად, სად იქნებოდა თქვენი აზრით ამ ტრაგედიის ფესვები?

— პირველ რიგში — ჩვენს უთავონაში. ჩვენ იმდენი რამ დავაშავეთ, ეს წასულებსაც ეხებოდა და მოქმედე-

ბსაც. რომ სხვა ისტორიულ ეპოქაში და სხვა დროს საცხებით საქმარისი იქნებოდა საქართველოს პოლიტიკურ რუკიდან წასაშლელად, ჩვენი დამოუკიდებლობის შენარჩუნება მსოფლიო მართლწესრიგის დამსახურებაა და არა ჩვენი. ეს ყველამ კარგად უნდა გავაცნობიეროთ.

მე მიმაჩნია, რომ კაცობრიობამ გაიარა იმპერიალიზმის რამოდენიმე სტადია. პირველი — აბსოლუტური იმპერია, როდესაც დაპყრობის პირობები ეუბნებოდნენ, რომ მას არ ჰქონდა სიტყვის უფლებაც კი. მეორე — კოლონიური იმპერიალიზმის სტადია — სადაც დაპყრობილ ხალხებს თვითმმართველობის გარკვეული უფლებები გააჩნდათ, სხვათაშორის კოლონიური იმპერიის დიქტორობის საფარული შემოსილი სისტემა იყო საბჭოთა კავშირი და მესამე — კაცობრიობა გადის დღეს — რეგიონალური იმპერიალიზმის სტადია, სადაც აღიარებულია ქვეყნის დამოუკიდებლობა, მაგრამ არსებობს ძალის პრიმატი რომელიმე შესახელმწიფოდან, რასაც თუ ანგარიშს არ გაუწევს, კისერს მოიტეხ. რელით გავროს უშიშროების საბჭო. იქ მშვიდობისა და ომის ბედს წყვეტს II მსოფლიო ომში გამარჯვებული სახელმწიფო ასექტივით ყველაზე ძლიერი სახელმწიფო.

რა არის ეს, თუ არა ძალის პრიმატი. ამ მოვლენისათვის, რეალობისათვის, ანგარიშის გაუწევლობა მძიმე შედეგებს გამოიღებს საქართველოსათვის. ხოლო მომავალში კაცობრიობა გაივლის იმპერიალიზმის მეოთხე სტადიას — როდესაც დედამიწა იქნება ერთიანი სახელმწიფო და ყველა იძულებული გახდება საერთო ძალისმხმევა წარმართოს გლობალური საკითხების მოსაგვარებლად. ქვე მისაც აღვნიშნავ, რომ ეს ჩემი კონცეფციაა და არავის არაფერში ვეკამათებ. ეს ოპონენტების საყურადღებოდ.

— ბატონო შალვა, რა კანონზე მუშაობს ამჟამად იურიდიული კომისია?

— უახლოეს მომავალში ჩვენ დავამუშავებთ საბაზრო ეკონომიკისათვის კონტინენტური ევროპის კანონმდებლობას. ეს კანონი ფაქტობრივად მზად არის სესიაზე გასატანად. მივიღებთ აქტიურ მონაწილეობას კონსტიტუციის შემუშავებაში. აგრეთვე იმ კანონების დამუშავებაში, რომლებიც განსაზღვრავენ საპარლამენტო თუ საპრეზიდენტო არჩევნების წესს. უნდა განახლდეს სისხლის, სამოქალაქო და ადმინისტრაციული კანონმდებლობანი.

— ბატონო შალვა, რა პრინციპით ხელმძღვანელობთ კანონების შემუშავებისას, თქვენ ქმნით კანონს, რომელიც უნაკლო თავისთავად, თუ

იდეალური კანონი ჩვენთან არ იმუშავებს

მეშვიდე გვერდიდან

საქართველოს სპეციფიკიდან გამომდინარე ითვალისწინებთ; რამდენად იესადაგება იგი დღევანდელ სიტუაციას?

— იდეალური კანონი ჩვენთან არ იმუშავებს, ვინაიდან ჩვენ არ გვაქვს იდეალური სახელმწიფო. უმთავრესი, რასაც ჩვენ ყურადღებას ვაქცევთ კანონების ვამუშავებისას, ეს არის კონფლიქტურობის კოეფიციენტი — კერძოდ, კანონმა მაქსიმალურად უნდა დაარეგულიროს კონფლიქტური სიტუაცია და თვითონაც არ ამოიწვიოს კონფლიქტი.

— რაც შეეხება ახალ საპარლამენტო არჩევნებს, რამდენად შესაძლებლად და მიზანშეწონილად გეხებათ ისინი დღეს?

— სანამ არ დავარეგულირებთ აფხაზეთის და სამაჩაბლოს პრობლემებს, არ დაისახება ეკონომიკური აღორძინების პერსპექტივები, ჩემი აზრით საპარლამენტო არჩევნების ჩატარება შეუძლებელია. თუ ჩვენი ხალხი არ შეგუა პარლამენტის ავ-კარგს, მის შექმნა-ჩრდილებს, ქართული სახელმწიფოს აშენება შეუძლებელი იქნება. აუცილებელია საარჩევნო კანონის დახვეწა. ყველაზე დიდ საფრთხეს პოლიტიკური სტაბილურობისათვის წარმოადგენს არჩევნების დროს ე.წ. პარტიული სიები. შესაძლოა მათ სათავეში ედგას ღირსეული პიროვნება, მაგრამ დეპუტატებად გავიდნენ ისეთი პირები, რომლებიც თავის ღირსის ავტორიტეტსაც წაშლიან და ქვეყანასაც საფრთხეს

შეუქმნიან. ამიტომ საქართველოში უნდა ჩატარდეს მხოლოდ და მხოლოდ მაკორიტარული არჩევნები. ამომრჩეველმა უნდა იცოდეს ვის და რატომ აძლევს ხმას. ისეთ შემთხვევაში, როცა გვექნება პიროვნების პარლამენტი, გამოირიცხვია სამოქალაქო ომი, დიქტატურა და ტოტალიტარიზმი. სხვათაშორის იტალიაში შეცვალეს საარჩევნო კანონი, ვინაიდან მთელი იტალიის მათა ხედვებოდა პარლამენტში პარტიული სიებით.

მაკორიტარული სისტემით არჩეულ პარლამენტში ნაკლები იქნება ის გამაღიზიანებელი ფაქტორებიც, რომლებიც სამართლიანად აღაშფოთებს ჩვენს მოსახლეობას.

მსაუბრრა
ხათუნა კვესელავა

გახსენება

მამუკა დანელია



მამუკა ანზორის ძე დანელია ერთი ჩვეულებრივი თბილისელი ახალგაზრდა იყო. მასაც უხაროდა სხვებზე სიცოცხლე, მაგრამ როდესაც სამშობლოს გაუჭირდა, მამუკა დადგა იქ, სადაც ყოველი ქართველი უნდა მდგარიყო. 1992 წ. 28 აგვისტოს, როგორც ავღანელთა კავშირის წევრმა ბრძოლა დაიწყო აფხაზ სეპარატისტთა წინააღმდეგ. ამის შემდეგ იგი ჩაირიცხა გომორის ბატალიონში და 1993 წ. 8 ივლისიდან იბრძოდა ოჩამჩირეში. 32 კაციანმა ბატალიონმა ვედარ გაუძლო 400 კაციან აფხაზური რაზმის შემოტევას და მამუკა დანელია 6 თანამებრძოლთან ერთად გმირულად დაეცა მიშელის მთაზე. როგორც შემდეგ მშობლებისათვის გახდა ცნობილი, ტყვედ ჩავარდნას ხელყუმბარით თავის აფეთქება აურჩევია. 15 ივლისს დაფუძული ვაქცაი 26 აგვისტოს ჩამოასვენეს თბილისში იმ 6 გმირთან ერთად. ესენი იყვნენ: მერაბ შველიძე, ბეგლარ გუგუთიშვილი, დათო გაგაშვილი, როლანდ ვადაჭკორია...

შვიდივე ოჯახს გაუჭირდა თავიანთი მიცვალებულის ამოცნობა. შეუძლებელი გახდა ერთი თვის მანძილზე მათი პირვანდელი სახის აღდგენა. მამუკას მეგობარს შარვლით უცვნია მებრძოლის ცხედარი, რითაც

დახმარება დანელიების ოჯახს შეიძლება ამოცნობაში.

დანელიების ოჯახი გმირების კერად იქცა.

მამუკას დალუბვამდე, 1992 წ. 23 ოქტომბერს, გამოასალმეს სიცოცხლეს აფხაზმა სეპარატისტებმა მისი უმცროსი ძმა 21 წლის ირაკლი, რომელსაც 3 წლის ტყუპი ქალ-ვაჟი დარჩა ობლად.

15 ივლისს ერთი წელი სრულდება მამუკა დანელიასა და მასთან ერთად გმირულად დაღუპულ მებრძოლთა გარდაცვალებიდან. მათი სახელები ოქროს ასოებით ჩაიწერება საქართველოსთვის თავგანწირულ მებრძოლთა სიაში.

მსუბუქი და დაუყვედრებელი ყოფილიყოს თქვენთვის საქართველოს მიწა, ძმებო!

მეგობრები

ქაქუსა ჩოლოყაშვილი

მერაბ კოსტავა:

სიტყვა, თქმული სოფელ მატანში 1989 წლის 14 ივლისს — ქაქუსა ჩოლოყაშვილის დაბადების დღეს

ძმანო და დანო! — მამულიშვილნო! კურთხეულ არს ის მიწა, კურთხეულ არს ის გვარი, რომლისგანაც წამოვიდა ორი გმირი, ორი მამულიშვილი: ბიძინა და ქაქუსა ჩოლოყაშვილები.

ძმანო და დანო! საქართველოს მიწა დარდობს, რომ მისი უპირველესი გმირის, XX საუკუნის საქართველოს უპირველესი გმირის ნეშტი იქ არ ასვენია! მეგობრებო! ეს პირველი შემთხვევა არ არის. ჩვენ ვიცით ისტორიაში მსგავსი მაგალითები: საბერძნეთის უდიდესი გმირები მილკიადე, თემისტოკლე, ფილონი. ასევე გადაასვენენ სამშობლოდან, გადაიხვეწნენ გმირად აღიარებულნი სამშობლოში და თავისი ძვლები მიწას მიაბარეს სამშობლოს გარეთ.

მეგობრებო! პოლონეთის ეროვნული გმირი ოგინსკი, უნგრეთის ეროვნული გმირი ლაიოშ კოშუტი ასევე გადაიხვეწნენ მშობლიური მიწიდან რუსეთის იმპერიისგან დევნილნი და თავიანთი ძვლები მიაბარეს არა სამშობლოს, არამედ სხვა მიწას.

მეგობრებო! თქვენ წარმოიდგინეთ ის დიდი სიკვდილი, რომელიც დიდ ქართველ გმირს ქაქუსას ჰქონდა საფრანგეთის მიწაზე.

მეგობრებო! ნოსტალგია — სამშობლოსადმი სევდა — არსად არ არსებობს. იგი შექმნა მხოლოდ საბჭოთა იმპერიამ!

ყველგან, მეგობრებო, ყველგან, მთელ მსოფლიოში, მთელ



ამ XX საუკუნის განმავლობაში ყველას ჰქონდა უფლება თავისი ქვეყნიდან გასვლის, თავის ქვეყანაში თავისუფლად შესვლისა. მხოლოდ ამ ჯალათებმა, ამ სატანის კერძებმა აღმართეს რკინის ფარდა, რომელსაც ჩიტაც კი ვერ გადააფრინდებოდა, აზრიც კი ვერ გადასწვდებოდა. მაგრამ, მეგობრებო, ადამიანის სული უკვდავია. იგი ღვთისაგან არის შექმნილი და ამიტომაც გააჩნია მარადი ღირებულება, უკვდავება. ამიტომაც ვერავითარი კედელი, ვერავითარი საზღვარი თუ მეფთუხლართი, ეს

იქნებოდა მცირე კოლონიები .X. ქაქუსას ნეშტი დაბრუნდება საქართველოში! ეს იქნება თავისუფალი, დემოკრატიული, ქრისტიანული საქართველო. გაუმარჯოს! კურთხეულ იყოს თავისუფალი საქართველო!

მეგობრებო! არა თუ ნეშტი, მისი სული ეხლა თავს დაგვანთის და მიგვიძღვება თავისუფლების გზაზე, საქართველოს დამოუკიდებლობის მოპოვების გზაზე.

— აქ ჩანაწერი გაწვევტილია.

«იმერეთი»

Ltd «იმერეთი» იღებს სავალუტო ანაბრებს (ამერიკული დოლარი, რუსული რუბლი) თქვენთვის ხელსაყრელ პირობებში:

დოლარები:

3 თვით — 63%, ყოველთვიური გატანით — 18%

6 თვით — 145%, ყოველკვარტალური გატანით — 70%

1 წლით — 295%, ყოველკვარტალური გატანით — 72%

რუსული რუბლები

3 თვით — 78%

6 თვით — 260%

1 წლით — 500%

ჩვენი მისამართია: თბილისი, დავით აღმაშენებლის პრ. 79, მეცნიერებისა და ტექნიკის სახლი, მეორე სართული, ოთახი 26, ტელ.: 95-72-07.

«იმერეთი» —

ყველაზე მტკიცე

გარანტიები!

მთავარი რედაქტორი

ნოდარ ბრიგალაშვილი

სარედაქციო საბჭო

გელა ებანოიძე

ხათუნა კვესელავა

ირმა ლომაური

მერაბ მაისურაძე

სერგო ჯანაშია

რედაქციის მისამართი:

თბილისი, თავისუფლების მოედანი, კუპიძის ძ. 5

ტელეფონები:

რედაქტორი: 93-20-36,

მრედაქციო: 93-18-41.

ახსენებისმეგობარი მდივანი: 93-19-99

გაზეთი იკავებს ოფისური წესით საგაზეთო კორპუსში, ხოლო რედაქციის 29.

შემოსული მასალაში ავტორებს არ უბრუნდება.

გაზეთის

ინდექსი 66447

ფასი

60 000 კუპონი